

斯民編

愛國詩歌

馬占山題



中華民國二十二年五月初版

愛國詩歌

(全一册)

定價大洋叁角

編者斯

民

上海神州國光社 南京書店

作者書社

南京南京書局

廣州開明書店 民書智局

杭州商務印書館 世界書局

開明書店 現代書局


六藝書局 中山書店

文藝書店 問經堂書局

廈門開明書店

全國各大書坊

代售處



# 愛國詩歌編輯大意

一、本書以發揚民族意識，提倡民族精神，激起人民愛國心理，共同應付國難爲宗旨。

二、本書所選詩歌，上自周秦，下迄民國，凡一百五十二篇，計六百七十九首，類多名將，忠臣，烈士，革命家，詩人之名蹟，其詞慷慨激昂，悲壯雄渾，富有民族思想，國家觀念，足以激發人發之志氣，而有殺敵致果，捨身衛國之精神。

三、本書所選各篇，對於藝術方面亦甚注意，以備各學校採爲詩歌教本，及愛好文藝者之誦覽。

四、本書已往作家均附有小傳，述其生平或與其作品有關之重要事蹟，匪特能使讀者對於作者有較深切之認識，且便利讀者之研究。

五、本書排列以時代先後爲次序。

六、本書倉卒編成，挂漏在所難免，當世學人，倘有意見供獻，無不樂承。

一九三三，五，一，編者。

# 愛國詩歌

## 目錄

封面 馬占山將軍題字

編輯大意

國殤

渡易水歌

安封侯詩

悲憤詩

屠柳城

白馬篇

詠懷

目

錄

屈 原 1  
荆 軻 1  
崔 駟 2  
蔡 琰 2  
繆 襲 4  
曹 植 5  
阮 籍 6

勞還師歌  
壯士篇  
永嘉行  
隴上歌  
詠荆軻  
代出自薊北門行  
亂後行經吳郵亭  
胡無人行  
木蘭詩  
白馬篇  
出塞  
薛將軍歌

張 華 6  
張 華 7  
陶 潛 8  
鮑 照 9  
庾 肩 吾 10  
吳 均 10  
隋 煬 帝 12  
竇 威 13  
薛 將軍 歌 13

一

從軍行  
將軍行  
出塞  
從軍行二首  
出塞  
薊北行  
塞上曲二首  
少年行二首  
贈王威古  
胡無人  
出自薊北門行  
贈裴將軍

駱賓王 14  
劉希夷 14  
陳子昂 15  
王昌齡 15  
王昌齡 16  
李希仲 16  
王維 16  
王維 17  
崔顥 17  
李白 18  
李白 18  
顏真卿 19

守睢陽作  
從軍行  
同李員外賀哥舒大夫破  
九曲之作  
塞上  
送李副使赴磧西官軍  
輪臺歌奉送封大夫出師  
西征  
走馬川行奉送出師西征  
軍城早秋  
前出塞二首  
後出塞  
張巡 19  
皎然 20  
高適 20  
高適 21  
岑參 22  
岑參 22  
岑參 23  
嚴武 23  
杜甫 23  
杜甫 24

哥舒歌

西鄙人 24

苦哉行

戎昱 25

和張僕射塞下曲四首

盧綸 25

塞上曲

戴叔倫 26

塞下曲

李益 26

隴頭

張籍 26

塞下曲三首

張仲素 27

涼州詞

薛逢 27

塞上曲

貫休 28

奉召作

花蕊夫人 28

韓魏公席上作

李師中 29

聞种諤脂米川大捷

王珪 29

汧州作

宋徽宗 29

感時有序

宗澤 30

滿江紅

岳飛 31

送紫巖張先生北伐

岳飛 32

題青泥市寺壁

岳飛 32

石州慢己酉秋吳興舟中

張元幹 32

六州歌頭

張孝祥 33

觀大散關圖有感

陸游 34

樓上醉書

陸游 35

九月十六日夜夢駐軍河

外遣使招降諸城覺而

有作

陸游 35

- 秋聲 陸游 36
- 江北莊取米到作飯香甚 陸游 36
- 有感 陸游 36
- 縱筆 陸游 37
- 聞虜政衰亂掃蕩有期喜 陸游 37
- 成口號 陸游 37
- 隴頭水 陸游 37
- 示兒 陸游 38
- 桃園憶故人 題華山圖 陸游 38
- 清平樂 辛棄疾 38
- 破陣子 辛棄疾 39
- 水調歌頭 送章德茂大卿使虜 陳亮 39
- 
- 沁春園 張路分秋闈作 劉過 40
- 六州歌頭 弔武穆鄂王忠烈廟 劉過 41
- 賀新涼 遊西湖有感 文及翁 41
- 紀事四首 文天祥 42
- 峻都 文天祥 43
- 氣概 文天祥 43
- 留遠亭二首 文天祥 43
- 過平原作 文天祥 44
- 正氣歌 并序 文天祥 45
- 重過 謝翱 46
- 幽州歌 汪元量 47
- 醉歌兩首 汪元量 47



哀劉將軍

鄭思肖 48

制置李公芾

鄭思肖 48

都統王公安節

鄭思肖 49

隨駕內嬪某氏

鄭思肖 49

六礪

鄭思肖 50

德祐二年歲旦

鄭思肖 50

出塞曲二首

張 琰 50

征西壯士謠

元好問 51

走馬引

劉 基 51

送翰林典籍張敏行之官

西上

孫 贊 52

張中丞廟

高 啟 52

出塞

于 謙 53

十六州

李東陽 54

石將軍戰場歌

李夢陽 55

邊中送別

袁崇煥 56

孫大將軍贈我以人頭杯

長歌賦謝

楊文驄 57

揚州參將李鐵臉歌

李 沂 58

少保戚公繼光

吳 易 59

燕市弔袁督師

張家玉 60

憶昔燕畿之變

張家玉 60

自舉師不克與二三同志

怏怏不平賦此

張家玉 61

目錄

軍中夜感	張家玉	61
夜走博羅	張家玉	61
感遇	張家玉	61
輓陳同盟	張家玉	62
營中晚坐	張家玉	62
塞下曲	黃淳耀	62
萬古愁	歸莊	63
贈朱監紀四輔	顧炎武	64
剪髮	顧炎武	64
井中心史歌	顧炎武	65
有序		
乙酉元夕婁城盛張燈火		
有感而賦	陸世儀	67
今樂府三首		
卽事二首		
魚服		
秦良玉遺像		
塞下曲		
哀虎門		
哀舟山		
三元里歌		
入川題壁		
失題		
臺灣行		
悲平壤		
吳炎	67	
夏完淳	69	
夏完淳	69	
沈欽圻	70	
許景樊	71	
趙函	71	
趙函	72	
張維屏	73	
石達開	74	
楊仲年	75	
黃遵憲	75	
黃遵憲	77	

哀旅順

黃遵憲 78

降將軍歌

黃遵憲 78

聶將軍歌

黃遵憲 79

弔劉道一烈士

黃興 82

蝶戀花 弔黃花崗諸烈士

黃興 83

無題

趙聲 83

弔吳烈士樾

秋瑾 84

寶劍歌

秋瑾 86

秋風曲

秋瑾 87

黃海舟中感懷

秋瑾 87

感憤

秋瑾 88

庚戌被逮口占

汪兆銘 88

殺賊

林奎 88

己酉守歲

吳祿貞 89

過硤石山狂吟

吳祿貞 89

戍邊樓落成登臨有感

吳祿貞 90

讀陸放翁集

梁啟超 90

題鄭延平戰埒圖

陳去病 91

從軍樂

佚名 92

伍卅國恥

李湘南 93

歲暮感懷詩四首

蘇炳文 94

報蔡天囚學兄

何柱國 95

軍歌

羅家倫 95

蒙古軍歌

97

# 愛國詩歌

國 殤

屈 原 ⊖ (?)

操吳戈兮被犀甲，車錯轂兮短兵接，旌蔽日兮敵若雲，矢交墜兮士爭先。陵余陣兮躡余行，左騶殪兮右刃傷。霾兩輪兮繫四馬，援玉枹兮擊鳴鼓。天時懟兮威靈怒，嚴殺盡兮棄原野。出不入兮往不反，平原忽兮路超遠。帶長劍兮挾秦弓，首雖離兮心不懲；誠旣勇兮又以武，終剛強兮不可陵。身旣死兮神以靈，子魂魄兮爲鬼雄。

⊖ 屈原名平，別號靈均。仕楚爲三閭大夫，懷王重其才，靳尚輩譖而疏之，乃作離騷，冀王感悟。頃襄王時復用譏，謫原於江南，自投汨羅江而死。

渡易水歌

荆 軻 ⊖

燕太子丹使荆軻刺秦王，至易水之上；旣祖取道，高漸離擊筑，荆軻和而歌，爲變

國殤 渡易水歌

安封侯詩 悲憤詩

徵之聲，士皆垂淚涕泣，又前而歌曰：

風蕭蕭兮易水寒，壯士一去兮不復還！

○荆軻戰國時衛人，稱荆卿，又稱慶卿，爲燕太子丹客，獻樊於期首及燕地圖於秦，以匕首搃秦王不中，爲秦所殺。

安封侯詩

崔駟○

戎馬鳴兮金鼓震，壯士激兮忘身命，被光甲兮跨良馬，揮長戟兮毅強弩。

○崔駟字亭伯，博學有偉才，善屬文，少遊太學，與班固，傅毅齊名。

悲憤詩

蔡琰○

漢季失權柄，董卓亂天常，志欲圖篡弒，先害諸賢良；逼迫遷舊邦，擁主以自強；海內興義師，欲共討不祥。卓衆來東下，金甲耀日光。平土人脆弱，來兵皆胡羌，獵野圍城邑，所向悉破亡。斬截無子遺，

尸骸相撐拒。馬邊懸男頭，馬後載婦女。長驅西入關，迴路險且阻；還顧邈冥冥，肝脾爲爛腐。所略有萬計，不得令屯聚；或有骨肉俱，欲言不敢語。失意幾微間，輒言『斃降虜！要當以亭刃，我曹不活汝！』！豈復惜性命？不堪其詈罵。或便加捶杖，毒痛參并下。且則號泣行，夜則悲吟坐。欲死不能得，欲生無一可。彼蒼者何辜，乃遭此巨禍！邊荒與華異，人俗少義理。處所多霜雪，胡風春夏起；翩翩吹我衣，蕭蕭入我耳。感時念父母，哀嘆無窮已。有客從外來，聞之常歡喜；迎問其消息，輒復非鄉里。邂逅徼時願，骨肉來迎己。己得自解免，當復棄兒子。天屬綴人心，念別無會期。存亡永乖隔，不忍與之辭。兒前抱我頸，問『母欲何之？人言母常去，豈復有還時？阿母常仁惻，今何更不慈？我尙未成人，奈何不顧思』？見此崩五內，恍惚生狂癡。號泣手撫摩，當發復回疑；兼有同時輩，相送告離別。慕我

獨得歸，哀叫聲摧裂。馬爲立踟躕，車爲不轉轍，觀者皆歔歔，行路亦嗚咽。去去割情戀，遄征日遐邁。悠悠三千里，何時復交會？念我出腹子，胸臆爲摧敗。既至家人盡，又復無中外。城郭爲山林，庭宇生荆艾。白骨不知誰，從橫莫覆蓋。出門無人聲，豺狼嗥且吠。粲粲對孤景，怛咤糜肝肺。登高遠眺望，魂神忽飛逝，奄若壽命盡。旁人相寬大，爲復彊視息，雖生何聊賴？託命于新人，竭心自最厲！流離成鄙賤，常恐復捐廢。人生幾何時？懷憂終年歲。

○蔡琰字文姬，邕女，知音律，適衛仲道。爲胡騎所獲，在胡二十年，生二子，曹操以金璧贖之歸。後再嫁董祀。

屠柳城 ①

繆 襲 ②

屠柳城，功誠難，越度隴塞路漫漫。北踰平岡，但聞悲風正酸。踢頓授首，遂登白狼山。神武懋海外，永無北顧患。

○晉書樂志曰：『改漢巫山高爲屠柳城，言曹公越北塞，歷白檀，破三郡烏桓於柳城也。』柳城，漢縣，故城在今熱河塔子溝。

○蹋頓，烏桓王名。

○繆襲字熙伯，東海人。有才學，歷事魏四世，官至尚書光祿勳。

## 白馬篇

曹植○

白馬飾金羈，連翩西北馳。借問誰家子，幽并遊俠兒。少小去鄉邑，揚聲沙漠垂。宿昔秉良弓，楛矢何參差！控絃破左的，右發摧月支；仰手接飛猱，俯身散馬蹄；狡捷過猴猿，勇剽若豹螭。邊城多警急，胡虜數遷移，羽檄從北來，厲馬登高隄，長驅蹈匈奴，左顧陵鮮卑。棄身鋒刃端，性命安可懷，父母且不顧，何言子與妻。名編壯士籍，不得中顧私。捐軀赴國難，視死忽如歸。

○曹植字子建，操子，封陳王，卒諡曰思，故亦稱陳思王。十歲善屬文，援筆立成。



詠懷 勞還詩歌

六

甚爲操所愛，文帝忌而疏之。既就國，每欲求別見，幸冀試用，終不能得，悵然絕望，遂發疾卒。有曹子建集。

詠懷

阮籍

壯士何慷慨，志欲威八荒！驅車遠行役，受命念自忘。良弓挾烏號，明甲有精光。臨難不顧生，身死魂飛揚。豈爲全軀士？效命爭戰場。忠爲百世榮，義使令名彰；垂聲謝後世，氣節故有常。

○阮籍字嗣宗，尉氏人。才藻豔逸，倜儻不羈。官至步兵校尉，人稱阮步兵。

勞還師歌

張華

獫狁背天德，構亂擾邦畿。戎車震朔野，羣帥贊皇威；將士齊心膂，感義忘其私；積勢如韞弩，赴節如發機。轟聲動山谷，金光耀素暉，揮戟陵勁敵，武步蹈橫屍，鯨鯢皆授首，北土永清夷。昔往冒隆暑，今來白雪霏；征夫信勤瘁，自古詠采薇。收榮於含爵，燕喜在凱歸。

○張華字茂先，方城人。學業優博，辭藻溫麗。伐吳，華以爲必克，功成，封廣武侯，後爲趙王倫所害。

### 壯士篇

張華

天地相震蕩，回薄不知窮。人物稟常格，有始必有終。年時俛仰過，功名宜速崇。壯士懷憤激，安能守虛冲。乘我大宛馬，撫我繁弱弓。長劍橫九野，高冠拂玄穹。慷慨成素霓，嘯吒起清風。震響駭八荒，奮威曜四戎。濯鱗滄海畔，馳騁大漠中。獨步聖明世，四海稱英雄。

### 永嘉行

黃頭鮮卑入洛陽，○胡兒持戟昇明堂。晉家天子作降虜，公卿齊走如牛羊。紫陌旌旛暗相觸，家家雞犬驚上屋。婦人出門隨亂兵，夫死眼前不敢哭。九州諸侯自曠土，無人領兵來護主。北人避胡多在南，南人至今能晉語。

隴上歌 詠荆軻

八

○晉書：懷帝永嘉五年六月，劉曜王彌陷洛陽，入於南宮，升太極前殿，縱兵大掠，悉收宮人珍寶。曜於是害諸王公及百官以下三萬餘人，遷帝於平陽。劉聰以帝爲會稽公。按劉元海本匈奴冒頓之後，曜其族子也。

隴上歌

晉書：劉曜圍陳安於隴城，安敗走，曜使將軍平先追之，平斬安於澗曲。安善於撫下，吉凶夷險與衆共之，及死隴上，爲之歌。

隴上壯士有陳安，軀幹雖小腹中寬，愛養將士同心肝。驕驄文馬鐵鍛鞍，七尺大刀奮如湍。丈八蛇矛左右盤，十邊十決無當前。百騎俱出如雲浮，追者千萬騎悠悠。戰始三交失蛇矛，棄我驕驄竄巖幽，爲我外援而懸頭。西流之水東流河，一去不還奈子何！

詠荆軻

陶潛○

燕丹善養士，志在報強嬴，招集百夫良，歲暮得荆卿。君子死知己，

提劍出燕京；素驥鳴廣陌，慷慨送我行。雄髮指危冠，猛氣衝長纓。飲餞易水上，四座列羣英；漸離擊悲筑，宋意唱高聲，蕭蕭哀風逝，淡淡寒波生。商音更流涕，羽奏壯士驚；心知去不歸，且有後世名。登車何所顧，飛蓋入秦庭；凌厲越萬里，逶迤過千城。圖窮匕首至，豪主正怔營。惜哉劍術疏！奇功遂不成。其人雖已歿，千載有餘情。

○陶潛字淵明，又字元亮，江西尋陽人。少有高趣，博學善屬文。嘗爲彭澤令，在官八十餘日，卽解印綬去職，賦歸去來辭。以曾祖晉世宰輔，恥復屈身後代，所著文章皆題其年月。義熙以前，明書晉代年號，自永初以來惟云甲子而已。世稱靖節先生，其所爲詩冲穆澹遠，而妙造自然。有陶淵明集。

### 代出自薊北門行

鮑照 ○

羽檄起邊亭，烽火入咸陽。徵騎屯廣武，分兵救朔方。嚴秋筋竿勁，虜陣精且疆。天子按劍怒，使者遙相望，雁行緣石徑，魚貫度飛梁。

亂後行經吳郵亭 胡無人行

一〇

簫鼓流漢颺，旌甲被胡霜。疾風衝塞起，沙礫自飄揚，馬毛縮如蝟，魚弓不可張。時危見臣節，世亂識忠良，投軀報明主，身死爲國殤。

○鮑照字明遠，東海人。宋文帝時爲中書舍人。臨海王子顛爲荊州，照爲前軍參軍。子顛敗，照爲亂軍所殺。有鮑參軍集。

亂後行經吳郵亭○

庾肩吾○

郵亭一回望，風塵千里昏。青袍異春草，白馬卽吳門。獯戎鯁伊洛，雜種亂轡轅；輦道同關塞，王城似太原。休明鼎尙重，秉禮國猶存；殷牖爰雖頤，堯城吏轉尊。泣血悲東走，橫戈念北奔。方憑七廟略，誓雪五陵冤。人事今如此，天道共誰論！

○王士禎云：『郵亭吳大帝所建，在晉陵，今作「郵」誤也。』

○庾肩吾字子慎。歷官江州刺史，封武康縣侯卒。有書品文集。

胡無人行

吳均○

劍頭利如芒，恆持照眼光。鐵騎追驍虜，金羈討黠羌。高秋八九月，胡地早風霜。男兒不惜死，破膽與君嘗。

○吳均字叔庠，吳興故鄣人，好學有俊才。天監初，柳惲爲吳興刺史，辟爲郡主簿，日與賦詩，士多效之，號「吳均體」。仕至奉朝請。有後漢書注，通史等書。

### 木蘭詩

唧唧復唧唧，木蘭當戶織。不聞機杼聲，惟聞女歎息。問女何所思，問女何所憶？『女亦無所思，女亦無所憶。昨夜見軍帖，可汗大點兵，軍書十二卷，卷卷有爺名。阿爺無大兒，木蘭無長兄，願爲市鞍馬，從此替爺征。』東市買駿馬，西市買鞍韉，南市買轡頭，北市買長鞭。朝辭爺娘去，暮宿黃河邊，不聞爺娘喚女聲，但聞黃河流水鳴濺濺。旦辭黃河去，暮至黑水頭，不聞爺娘喚女聲，但聞燕山胡騎聲啾啾。萬里赴戎機，關山度若飛。朔氣傳金柝，寒光照鐵衣。將軍百戰

死，壯士十年歸。歸來見天子，天子坐明堂，策勳十二轉，賞賜百千彊。可汗問所欲，『木蘭不用尙書郎，願馳千里足，送兒還故鄉。』爺娘聞女來，出郭相扶將；阿姊聞妹來，當戶理紅妝；小弟聞姊來，磨刀霍霍向豬羊。開我東郭門，坐我西閣牀。脫我戰時袍，著我舊時裳。當窗理雲鬢，對鏡帖花黃。出門看火伴，火伴始驚惶；同行十二年，不知木蘭是女郎。雄兔脚撲朔，雌兔眼迷離；兩兔傍地走，安能辨我是雄雌？

白馬篇

隋煬帝○

白馬金貝裝，橫行遼水傍，問是誰家子，宿衛羽林郎。文犀六屬鎧，寶劍七星光；山虛弓響徹，地迴角聲長。宛河推勇氣，隴蜀擅威強。輪臺受降虜，高闕翦名王。射熊入飛觀，校獵下長楊。英名欺衛霍，智策蔑平良。烏夷時失禮，卉服犯邊疆。徵兵集薊北，輕騎出漁陽，

進軍隨日暈，挑戰逐星芒。陣移龍勢動，營開虎翼張，衝冠入死地，攘臂越金湯。塵飛戰鼓急，風交征旆揚，轉鬥平華地，追奔掃鬼方。本持身許國，况復武功彰。會令千載後，流譽滿旂常。

○隋煬帝名廣，文帝第二子。即位後，廣興土木，開運河，築長城。南巡至江都，沉湎酒色，爲宇文化及所弑。

### 出塞

竇威 ○

匈奴屢不平，漢將欲縱橫。看雲方結陣，却月始連營。潛軍渡馬邑，揚旆掩龍城。會勒燕然石，方傳車騎名。

○竇威字文蔚。武德初授內史令。

### 薛將軍歌 ○

將軍三箭定天山，戰士長歌入漢關。

○唐書：高宗時，薛仁貴領兵擊九姓突厥於天山，時九姓有衆十餘萬，令驍健數十

出塞 薛將軍歌



從軍行 將軍行

一四

人逆來挑戰，仁貴發三矢，射殺三人，其餘一時下馬請降。仁貴恐爲後患，玆坑殺之。九姓自此衰弱，不復更爲邊患，於是軍中歌之。

從軍行

駱賓王 ①

平生一顧重，意氣溢三軍。棼日分戈影，天星合劍文。弓弦抱漢月，馬足踐胡塵。不求生入塞，唯當死報君。

① 駱賓王，義烏人，七歲能賦詩，工文章，與王勃，楊炯，盧照隣，爲唐初四傑。徐敬業舉兵討武后，署爲府屬，兵敗亡命，不知所終。

將軍行

劉希夷 ①

將軍關轅門，耿介當風立，諸將欲言事，逡巡不敢入。劍氣射雲天，鼓聲振原隰。黃塵塞路起，走馬追兵急，彎弓從此去，飛箭如雨集；截圍一百重，斬首五千級，代馬流血死，胡人抱鞍泣。古來養甲兵，有事常討襲。乘我廟堂運，坐使干戈戢。獻凱歸京都，軍容何翕習。

○劉希夷一名庭芝，汝州人。少有才華，落魄不拘常格，後爲人所害。

### 出塞

陳子昂 ①

忽聞天上將，關塞重橫行，始返樓蘭國，還向朔方城。黃金裝戰馬，白羽集神兵。星月開天陣，山川列地營。晚風吹畫角，春色耀飛旌。甯知班定遠，獨是一書生。

○陳子昂字伯玉梓州射洪人。擢進士第，官右拾遺。有陳伯玉集。

### 從軍行二首

王昌齡 ①

青海長雲暗雪山，孤城遙望玉門關。黃沙百戰穿金甲，不破樓蘭終不還。

大漠風塵日色昏，紅旗半捲出轅門。前軍夜戰洮河北，已報生擒吐谷渾。

○王昌齡字少伯，京兆人，開元進士，補祕書郎，遷江甯丞，後貶龍標尉卒。昌齡

出塞 薊北行 塞上曲二首

一六

七絕最負盛名，其所作邊塞，宮怨諸詩，膾炙人口。

出塞

王昌齡 ①

秦時明月漢時關，萬里長征人未還。但使龍城飛將在，不教胡馬度陰山。

薊北行

李希仲 ①

一身救邊速，烽火連薊門。前車飛鳥斷，格鬥塵沙昏。寒入鼓聲急，單于將夜奔。常須徇忠節，身死報國恩。

①李希仲趙郡人。天寶初宰偃師范陽。

塞上曲二首

王維 ①

天驕遠塞行，出鞘寶刀鳴。定是酬恩日，今朝覺命輕。  
塞虜常爲敵，邊風已報秋。平生多志氣，箭底覓封侯。

①王維字摩詰，太原（一說河東）人，開元進士。安祿山陷兩都，維爲賊所得，賊

平，累遷尙書右丞。工詩善書畫，有王右丞集。

少年行二首

王維

出身仕漢羽林郎，初隨驃騎戰漁陽。孰知不向邊庭苦，縱死猶聞俠骨香。

一身能臂兩雕弧，虜騎千羣只似無。偏坐金鞍調白羽，紛紛射殺五單于。

贈王威古

崔顥

三十羽林將，出身常事邊。春風吹淺草，獵騎何翩翩！插羽兩相顧，鳴弓新上弦，射麋入深谷，飲馬投荒泉。馬上共傾酒，野中聊割鮮，相看未及飲，雜虜寇幽燕。烽火去不息，胡塵高際天。長驅救東北，轉戰解城全。報國行赴難，古來皆共然。

○崔顥汴州人。開元進士，累官司勳員外郎。

少年行二首 贈王威古

胡無人 出自薊北門行

一八

胡無人

李白

○

嚴風吹霜海草凋，筋幹精堅胡馬驕。漢家戰士三十萬，將軍兼領霍嫖姚。流星白羽腰間插，劍花秋蓮光出匣。天兵照雪下玉關，虜箭如沙射金甲。雲龍風虎盡交回，太白入月敵可摧。敵可摧，旄頭滅，履胡之腸涉胡血；懸胡青天上，埋胡紫塞旁。胡無人，漢道昌，陛下之壽三千霜。但歌大風雲飛揚，安用猛士兮守四方？

○李白字太白，隴西成紀人。天才英特，賀知章見其文歎爲謫仙，言於玄宗，供奉翰林，甚見愛重。後坐事長流夜郎，遇赦得還。白詩高妙清逸，與杜甫並稱詩宗。有李太白集。

出自薊北門行

李白

虜陣橫北荒，胡星耀精芒；羽書速驚電，烽火晝連光，虎竹救邊急，戎車森已行。明主不安席，按劍心飛揚，推轂出猛將，連旗登戰場；

兵威衝絕漠，殺氣凌穹蒼。列陣赤山下，開營紫塞傍。孟冬風沙緊，旌旗颯凋傷。畫角悲海月，征衣卷天霜。揮刃斬樓蘭，彎弓射賢王。單于一平蕩，種落自奔亡。收功報天子，行歌歸咸陽。

贈裴將軍

顏真卿 ①

大君制六合，猛將清九垓。戰馬若龍虎，騰凌何壯哉！將軍臨八荒，烜赫耀英材。劍舞若游電，隨風縈且迴。登高望天山，白雲正崔巍。入陣破驕虜，威名雄震雷。一射百馬倒，再射萬夫開。匈奴不敢敵，相呼歸去來。功成報天子，可以畫麟臺。

①顏真卿字清臣，臨沂人。開元進士，累遷侍御史。安祿山反，獨倡義討之，亂平遷刑部尚書，封魯國公。德宗時，慰諭李希烈，持節不屈，爲所縊殺。真卿善正草書，筆力遒婉。有顏魯公集。

守睢陽作

張巡 ①

贈裴將 守睢陽作

一九

從軍行 同李員外賀哥舒大夫破九曲之作

二〇

接戰春來苦，孤城日漸危。合圍侷月暈，分守若魚麗。屢厭黃塵起，時將白羽揮。裹瘡猶出陣，飲血更登陴。忠信應難敵，堅貞諒不移。無人報天子，心計欲何施？

○張巡南陽人，開元末以進士官真源令。安祿山反，與許遠合兵守睢陽，拜御史中丞，累戰皆捷，食盡殺愛妾以饗士，城陷爲賊所害。

### 從軍行

皎然 一〇

候騎出紛紛，元戎霍冠軍。漢脾秋聒地，羌火晝燒雲。萬里戎城合，三邊羽檄分。烏孫驅未盡，肯顧遼陽勳？  
漢旆拂丹霄，漢軍新破遼。紅塵驅鹵簿，白羽擁嫖姚。戰苦軍猶樂，功高將不驕。至今丁令塞，朔吹空蕭蕭。

○皎然唐僧人，長城謝氏子，名晝。有儒釋交遊傳，內典類聚。

### 同李員外賀哥舒大夫破九曲之作

高適 一〇

遙傳副丞相，昨日破西蕃。作氣羣山動，揚軍大旆翻。奇兵邀轉戰，連弩絕歸奔。泉噴諸戎血，風驅死虜魂。頭飛攢萬戟，面縛聚轅門。鬼哭黃埃暮，天愁白日昏。石城與巖險，鐵騎皆雲屯。長策一言決，高蹤百代存。威稜懾沙漠，忠義感乾坤。老將黯無色，儒生安敢論。解圍憑廟算，止殺報君恩。唯有關河渺，蒼茫空樹墩。

○高適字達夫，渤海蓆人。舉有道科，官至散騎常侍，封渤海縣侯。適與岑參俱爲邊塞詩人，詩亦齊名，世稱高岑。有高常侍集。

### 塞上

高 適

東出盧龍塞，浩然客思孤。亭埃列萬里，漢兵猶備胡。邊塵滿北溟，虜騎正南驅；轉門豈長策，和親非遠圖。惟昔李將軍，按節出皇都，總戎掃大漠，一戰擒單于。常懷感激心，願効縱橫謀，倚劍欲誰語，關河空鬱紆。

塞上



送李副使赴磧西官軍 輪臺歌奉送封大夫出師西征

二二

送李副使赴磧西官軍

岑參

火山六月應更熱，赤亭道口行人絕。知君慣度祈連城，豈能愁見輪臺月？脫鞍暫入酒家壚，送君萬里西擊胡。功名祇向馬上取，真是英雄一丈夫！

①岑參南陽人，天寶進士。肅宗時杜甫薦爲左補闕，後出爲嘉州刺史，終於蜀。有岑嘉州集。

輪臺歌奉送封大夫出師西征

岑參

輪臺城頭夜吹角，輪臺城北旄頭落。羽書昨夜過渠黎，單于已在金山西。戍樓西望烟塵黑，漢兵屯在輪臺北。上將擁旄西出征，平明吹笛大軍行。四邊伐鼓雪海湧，三軍大呼陰山動。虜塞兵氣連雲屯，戰場白骨纏草根。劍河風急雲片闊，沙口石凍馬蹄脫。亞相勤王甘苦辛，誓將報主靜邊塵。古來青史誰不見，今見功名勝古人。

走馬川行奉送出師西征

岑參

君不見走馬川行雪海邊，平沙莽莽黃入天？輪臺九月風夜吼，一川碎石大如斗，隨風滿地石亂走。匈奴草黃馬正肥，金山西見煙塵飛。漢家大將西出師，將軍金甲夜不脫，半夜軍行戈相撥，風頭如刀面如割。馬毛帶雪汗氣蒸，五花連錢旋作冰；幕中草檄硯水凝。虜騎聞之應膽懾，料知短兵不敢接，車師西門佇獻捷。

軍城早秋

嚴武

昨夜秋風入漢關，朔雲邊月滿西山。更催飛將追驕虜，莫遣沙場匹馬還。

①嚴武字季鷹，華陰人。累官劍南節度使，破吐蕃七萬衆於當狗城，封鄭國公。

前出塞二首

杜甫

磨刀鳴咽水，水赤刀傷手，欲輕腸斷聲，心緒亂已久。丈夫誓許國，

走馬川行奉送出師西征 軍城早秋 前出塞二首

憤惋復何有？功名圖麒麟，戰骨當速朽。  
單于寇我壘，百里風塵昏。雄劍四五動，彼軍爲我奔。虜其名王歸，  
繫頸授轡門。潛身備行列，一勝何足論。

① 杜甫字子美，襄陽人，居鞏縣。少貧，舉進士不第。天寶初獻三大禮賦，授京兆府兵曹參軍。祿山陷京師，甫奔赴行在，拜左拾遺。其後棄官居同谷縣。嚴武鎮成都，奏爲參謀檢校工部員外郎。武卒蜀亂，攜家避荆楚。卒於耒陽，年五十九。有杜工部集。

後出塞

杜甫

男兒生世間，及壯當封侯；戰伐有功業，焉能守舊丘。召募赴薊門，  
軍動不可留。千金買馬鞭，百金裝刀頭。闔里送我行，親戚擁道周，  
班白居上列，酒酣進庶羞。少年別有贈，含笑看吳鉤。

哥舒歌

西鄙人

北斗七星高，哥舒夜帶刀。至今窺牧馬，不敢過臨洮。

苦哉行

戎昱

彼鼠侵我廚，縱狸授梁肉。鼠雖爲君却，狸食自須足。冀雪大國恥，翻是大國辱。羶腥逼綺羅，磚瓦雜珠玉。登樓非聘望，目笑是心哭。何意天樂中，至今奏胡曲。

○戎昱荆南人，舉進士，歷官辰慶兩州刺史。

和張僕射塞下曲四首

盧綸

鶯翎金僕姑，燕尾繡螯弧。獨立揚新令，千營共一呼。  
林暗草驚風，將軍夜引弓。平明尋白羽，沒在石稜中。  
月黑雁飛高，單于夜遁逃。欲將輕騎逐，大雪滿弓刀。  
野幕敞瓊筵，羌戎賀勞旋。醉和金甲舞，雷鼓動山川。

○盧綸字允言，河中蒲人。累官檢校戶部郎中，有集。

塞上曲 塞下曲 隴頭

二六

塞上曲

戴叔倫 ①

漢家旌幟滿陰山，不遣胡兒正馬還。願得此身長報國，何須生入玉門關。

①戴叔倫字幼公，潤州金壇人。累官容管經略使。有集。

塞下曲

李益 ①

伏波惟願裹尸還，定遠何須生入關。莫遣隻輪歸海窟，仍留一箭射天山。

①李益字君虞，姑臧人，登進士第。累官右散騎常侍，以禮部尚書致仕。

隴頭

張籍 ①

隴頭已斷人不行，胡騎夜入涼州城。漢家處處格鬥死，一朝盡沒隴西地。驅我邊人胡中去，散放牛羊食禾黍。去年中國養子孫，今著氍毹學胡語。誰能更使李輕車，收取涼州屬漢家？

○張籍字文昌，蘇州吳人，貞元中進士。韓愈薦爲國子博士，終國子司業。籍詩長於樂府，有集。

塞下曲三首

張仲素 ○

三戍漁陽再渡遼，駢弓在臂劍橫腰。匈奴欲似知名姓，休傍陰山更射鵰。

獵馬千羣雁幾雙，燕然山下碧油幢。傳聲漢北單于破，火照旌旗夜受降。

朔雪飄飄開雁門，平沙歷亂卷蓬根。功名恥計擒生數，直斬樓蘭報國恩。

○張仲素字繪之，河間人，官翰林學士，終中書舍人。

涼州詞

薛逢 ○

昨夜蕃軍報國讎，沙州都護破涼州。黃河九曲今歸漢，塞外縱橫戰血

流。

○薛逢字陶臣，河東人，會昌進士。歷侍御史，尚書郎，累遷祕書監卒。

塞上曲

貫休○

去年轉門陰山脚，生得單于卻放卻。今年深入於不毛，胡兵拔帳遺弓刀。男兒貴展平生志，爲國輸忠合天地；甲穿雖則失黃金，劍缺猶能生紫氣。塞草萋萋兵士苦，胡虜如今勿胡虜。封侯十萬始無心，玉關生入君看取。

○貫休唐僧人，字德隱，俗姓姜氏，蘭谿人，善詩工書畫，爲吳越王錢鏐所重。後入蜀，王建禮遇之，號禪月大師。有禪月集。

奉召作

花蕊夫人○

君王城上豎降旗，妾在深宮那得知。十四萬人齊解甲，甯無一個是男兒！

○花蕊夫人姓徐氏，一作費氏，青城人。幼能文，尤長於宮詞，得幸蜀主孟昶，賜號花蕊夫人。後昶降宋，宋太祖召花蕊夫人賦詩，遂作此詩。

### 韓魏公席上作

李師中 ①

願得貔貅十萬兵，西戎巢穴一時平。歸來不用封侯印，只問君王乞愛卿。

○李師中字誠之，楚丘人，舉進士，累官天章閣待制，有集。

### 聞种諤脂米川大捷

王珪 ①

神兵十萬忽乘秋，西磧妖氛一夕收。正馬不嘶榆塞外，長城自起玉關頭。君王別繪凌烟閣，將帥今輕定遠侯。莫道無人能報國，紅旗行去取涼州。

○王珪字禹玉，成都華陽人。舉進士，拜金紫光祿大夫，封岐國公。有華陽集。

### 汧州作

宋徽宗 ①

韓魏公席上作 聞种諤脂米川大捷 汧州作



投袂汧城北，西風又是秋。中原心耿耿，南渡思悠悠。嘗膽期賢佐，顯情憶舊遊。故宮禾黍徧，行役閱宗周。

○宋徽宗名佶，神宗第十一子，深通百藝，書畫尤工。後爲金人所虜，殞於五國城。

感時有序

宗澤○

叢鹵長驅，京邑阨危，此忠臣義士痛心疾首勤王報國之秋也，而宰臣遷家，郡守踰垣，縉紳士大夫陸竄水奔，使人主嬰孤城以自守，無一犯難者；事小定矣，而上書獻策之人，亦未有慨然以東者：世道之衰，一至此乎！太息之餘，以詩自遣。

卿士辱多壘，天王憤蒙塵；禦戎要虢將，謀國須雋臣。百戰取封侯，未必亡其身；懷奸廢忠義，胡顏以爲人！吁嗟世道衰，大僂加縉紳，平居事奔競，梁汴分雲屯，一旦國步艱，四迸如星繁。輔相已擇棲，

守令仍踰藩，冠蓋陸西竄，舳艫水南奔。鄙夫用慨然，策馬趨修門。  
勤王羞尺柄，悟主期片言。時來倘雲龍，峨冠拜臨軒，逶迤上玉除，  
造膝伸元元。措世於泰寧，歸來守丘園。

○宗澤字汝霖，義烏人。元祐進士，有文武才。初仕州郡，所至有聲績。徽欽二帝北狩，以副元帥從磁州入援，屢戰皆捷，徙知開封府，進東京留守。北方懼澤威，呼爲宗爺爺，不敢復犯東京。澤前後請帝還京二十餘疏，俱爲姦人所抑，憂憤成疾，大呼過河者三而卒，諡忠簡。有《宗忠簡集》。

### 滿江紅

岳飛

怒髮衝冠，恁欄處，瀟瀟雨歇。擡望眼，仰天長嘯，壯懷激烈。三十功名塵與土，八千里路雲和月。莫等閒白了少年頭，空悲切！靖康恥，猶未雪；臣子恨，何時滅？駕長車踏破賀蘭山缺！壯志饑餐胡虜肉，笑談渴飲匈奴血。待從頭收拾舊山河，朝天闕！

送紫巖張先生北伐 題青泥市寺壁 石州慢

三二

①岳飛字鵬舉，湯陰人。家貧力學，尤好左氏春秋，孫吳兵法。宣和中以敢戰士應募，起於行伍，隸宗澤部下。與金人戰所向皆捷，高宗刺「精忠岳飛」四字於旗以賜之。遂破劉豫，平楊么，歷授少保，河南北路招討使。復大破金兵，進至朱仙鎮。時秦檜力主和議，欲盡棄淮北之地以媚金。一日降十二金字牌召飛還，旋誣以罪而死之於獄，卒年三十九歲。有岳武穆集。

送紫巖張先生北伐

岳飛

號令風霆迅，天聲動北陲，長驅渡河洛，直搗向燕幽。馬蹀闕氏血，旗臯可汗頭；歸來報明主，恢復舊神州。

題青泥市寺壁

岳飛

雄氣堂堂貫斗牛，誓將真節報君讎。斬除頑惡還車駕，不問登壇萬戶侯。

石州慢己酉秋吳興舟中

張元幹①

雨急雲飛，瞥然驚散，暮天涼月。誰家疎柳，低迷幾點，流螢明滅。夜帆風駛，滿湖煙水蒼茫，菰蒲零亂秋聲咽。夢斷酒醒時，倚危檣清絕。心折。長庚光怒，羣盜縱橫，逆胡猖獗。欲挽天河，一洗中原膏血。兩宮何處？塞垣祇隔長江，唾壺空擊悲歌缺！萬里想龍沙，泣孤臣吳越。

○張元幹字仲宗，自號真隱山人，又號蘆川老隱，永福人。有蘆川歸來集。

### 六州歌頭

張孝祥 ○

長淮望斷，關塞莽然平。征塵暗，霜風勁，悄邊聲，黯銷凝。追想當年事，殆天數，非人力。洙泗上，絃歌地，亦殫腥！隔水氈鄉，落日牛羊下，區脫縱橫。看名王宵獵，騎火一川明。笳鼓悲鳴，遣人驚。念腰間箭，匣中劍，空埃蠹，竟何成！時易失，心徒壯，歲將零，渺神京。千羽方懷遠，靜烽燧，且休兵。冠蓋使，紛馳騫，若爲情？

聞道中原遺老，常南望翠葆霓旌。使行人到此，忠憤填氣膺，有淚如傾！

○張孝祥字安國，歷陽人。紹興中舉進士第一，累官集英殿修撰，歷知平江，靜江，荆南，皆有聲績。有于湖居士集。

觀大散關圖有感

陸游○

上馬擊狂胡，下馬草軍書，二十抱此志，五十猶癯儒。大散陳倉間，山川鬱盤紆。勁風鍾義士，可與共壯圖。坡陁咸陽城，秦漢之故都，王氣浮夕靄，宮室生春蕪。安得從王師，汛掃迎皇輿？黃河與函谷，四海通舟車，士馬發燕趙，布帛來青徐。先當營七廟，次第畫九衢。偏師縛可汗，傾都觀受俘，上壽大安宮，復如正觀初。丈夫畢此願，死與螻螻殊，志大浩無期，醉膽空滿軀。

○陸游字務觀，自號放翁，山陰人。早有文名，以蔭補登仕郎，累官樞密院編修。

後知夔嚴二州，皆有建白。范成大帥蜀，游爲參議官，以寶章閣待制致仕，卒年八十五。游爲南宋著名之愛國詩人，其詩悲壯激越，忠勇奮發，大有橫槊渡江，掃蕩胡虜，恢復中原之志。有渭南集，劍南集。

### 樓上醉書

陸游

丈夫不虛生世間，本意滅虜收河山，豈知蹭蹬不稱意，八年梁益凋朱顏。三更撫枕忽大叫，夢中奪得松亭關。中原機會嗟屢失，明日茵席留餘漕。益州官樓酒如海，我來解旗論日買，酒酣博塞爲歡娛，信手梟盧喝成采。牛背爛爛電目光，狂殺自謂元非狂。故都九廟臣敢忘，祖宗神靈在帝旁。

### 九月十六日夜夢駐軍河外遣使招降諸城覺

而有作

陸游

殺氣昏昏橫塞上，東並黃河開玉帳。晝飛羽檄下列城，夜脫貂裘撫降

樓上醉書 九月十六日夜夢駐軍河外遣使招降諸城覺而有作

秋聲 江北莊取米到作飯香甚有感

三六

將。將軍櫪上馬血汗，猛士腰間虎文韞。階前白刃明如霜，門外長戟森相向。朔風卷地吹急雪，轉盼玉花深一丈。誰言鐵衣冷徹骨，感義懷恩如挾纊。羌胡窟穴一洗空，太行北嶽元無恙。更呼斗酒作長歌，要取天山健兒唱。

秋聲

陸游

人言悲秋難爲情，我喜枕上聞秋聲。快鷹下韝爪觜健，壯士撫劍精神生。我亦奮迅起衰病，唾手便有擒胡興，弦開雁落詩亦成，筆力未饒弓力勁。五原草枯苜蓿空，青海蕭蕭風卷蓬，草罷捷書重上馬，却從鸞駕下遼東。

江北莊取米到作飯香甚有感

陸游

我昔從戎清渭側，散關嵯峨下臨賊，鐵衣上馬蹴堅冰，有時三日不火食。山蕎畬粟雜沙礫，黑黍黃麻如土色。飛霜掠面寒壓指，一寸赤心

惟報國。卽今歸臥稽山下，眼昏臂弱衰境逼。新秬炊飯香出甑，風飡  
澗飲何曾識。我豈農家志飽煖，閉戶惟思事耕織？征遼詔下不可期，  
盾鼻猶堪試殘墨。

縱筆

陸游

行省當年駐隴頭，腐儒隨牒亦西遊，千艘衝雪魚關曉，萬竈連雲駱谷  
秋。天道難知胡更熾，神州未復士堪羞。會須瀝血書封事，請報天家  
九世讎。

聞虜政衰亂掃蕩有期喜成口號

陸游

遺虜遊魂豈足憂，漢家方運幄中籌。天開地闢逢千載，雷動風行遍九  
州。刁斗令嚴青海夜，旌旗色照鐵關秋。功名自是英豪事，不用君王  
萬戶侯。

隴頭水

陸游



隴頭十月天雨霜，壯士夜挽綠沈槍；臥聞隴水思故鄉，三更起坐淚數行。我語壯士勉自疆，男兒墮地志四方，裹尸馬革固其常，豈若婦女不下堂。生逢和親最可傷，歲輦金絮輸胡羌。夜視太白收光芒，報國欲死無戰場。

示兒

陸游

死去元知萬事空，但悲不見九州同。王師北定中原日，家祭無忘告乃翁。

桃園憶故人 題華山圖

陸游

中原當日山川震，關輔回頭煨燼。淚盡兩河征鎮，日望中興進。秋風霜滿青鬢，老卻新豐英俊。雲外華山千仞，依舊無人問。

清平樂

辛棄疾 ①

如今塞北，傳得真消息，赤地人間無一粒，更五單于爭立。熊羆百

萬堂堂，維師公父鷹揚，看取黃金假鉞，歸來異姓真王。

○辛棄疾字幼安，號稼軒居士，山東歷城人。耿京聚兵山東，棄疾爲掌書記，勸京奉表歸宋。會張安國殺京降金，棄疾趨金營縛之以歸，獻俘行在，授承務郎。歷任湖南，江西，福建，浙江安撫使，遷龍圖閣待制，進樞密都承旨卒。棄疾俠骨豪情，才華蓋世，蒿日時艱，悲歌慷慨，其愛國心之熱烈真切，洋溢於字裏行間。有稼軒詞，稼軒集。

### 破陣子

辛棄疾

醉裏挑燈看劍，夢回吹角連營，八百里分麾下炙，五十絃翻塞外聲，沙場秋點兵。馬作的盧飛快，弓如霹靂弦驚，了却君王天下事，贏得生前身後名，可憐白髮生！

水調歌頭送章德茂大卿使虜

陳亮 ○

不見南師久，謾說北羣空。當場隻手，畢竟還我萬夫雄。自笑堂堂漢

破陣子 水調歌頭

使·得似洋洋河水，依舊只流東。且復穹廬拜，會向夔街逢。堯之都，舜之壤，禹之封，于中應有一個半個恥臣戎，萬里腥羶如許，千古英靈安在，磅礴幾時通？胡運何須問，赫日自當中。

①陳亮字同父，永康人。光宗策爲進士第一，授僉書建康府判官。有龍川文集，龍川詞。

沁園春張路分秋閣作

劉過①

萬馬不嘶，一聲寒角，令行柳營。見秋原如掌，槍刀突出，星馳鐵騎，陣勢縱橫。人在油幢，我韜總制，羽扇從容裘帶輕。君知否，是山西將種，曾繫詩名？龍蛇紙上飛騰，看落筆四簷風雨驚。便塵沙出塞，封侯萬里，金印如斗，未愜平生！拂拭腰間，吹毛劍在，不斬樓蘭心不平。歸來晚，聽隨車鼓吹，也帶邊聲。

①劉過字改之，廬陵人，南宋詞人，有龍洲集，龍洲詞。

六州歌頭 弔武穆鄂王忠烈廟

劉過

中興諸將，誰是萬人英？身草莽，人雖死，氣填膺，尙如生。年少起河北，劍三尺，弓兩石，定襄漢，開虢洛，洗洞庭。北望帝京，狡兔依然在，良犬先烹。過舊時營壘，荆鄂有遺民。憶故將軍，淚如傾！說當年事，知恨否？不奉詔，僞耶真？臣有罪，陛下聖，可鑒臨，一片心。萬古分茅土，終不到舊姦臣。人世猶，白日照，忽開明。衰佩冕圭百拜，九原下榮感君恩。看年年三月，滿地野花香，鹵簿迎神。

賀新涼 遊西湖有感

文及翁 ①

一勺西湖水，渡江來百年歌舞，百年酣醉。回首洛陽花石，盡烟渺黍離之地，更不復新亭墮淚！簇樂紅妝搖畫舫，問中流擊楫何人是？千古恨，幾時洗？余生自負澄清志，更有誰磻溪未遇，傅巖未起？國

事如今誰倚仗？衣帶一江而已！便都道江神堪恃。借問孤山林處士，但掉頭笑指梅花蕊。天下事，可知矣！

○文及翁字時學，號本心，綿州人，歷官參知政事。

紀事四首

文天祥 ○

三宮九廟事方危，狼子心腸未可知。若使無人折狂虜，東南那個是男兒？

單騎堂堂詣虜營，古今禍福了如陳。北方相顧稱男子，似謂江南尙有人。

狼心那顧敵銅盤，舌在縱橫擊可汗。自身爲齧粉碎，虜中方作丈夫看。

巢窠何堪共勸酬，衣冠塗炭可勝羞！袖中若有擊賊笏，便使兇渠面血流。

○文天祥，字宋瑞，又字履善，號文山，吉水人。舉進士第一，累官湖南提刑，改知贛州。德祐初，元兵入寇，天祥應詔勤王，受命使元軍，被執，遁入真州。時端宗立於福州，拜天祥右相，封信國公，募兵轉戰，力圖恢復，兵敗被執，拘燕三年，元世祖知其終不屈，乃殺之。天祥臨刑，作正氣歌以見志，從容謂吏卒曰：『吾事畢矣！』南嚮拜而死。元主歎爲真男子。有文山集，文山詩史。

### 俊都

文天祥

虎牌旣笈號公卿，不直人間一睡輕。但願扶桑紅日上，江南匹士死猶榮。

### 氣概

文天祥

氣概如虹俺得知，留吳那肯豎降旗。北人不解欺心語，正恐南人作淺窺。

### 留遠亭二首

文天祥

俊都 氣概 留遠亭二首

甘心賣國罪滔天，酒後猖狂詐作顛；把酒逢迎酋虜笑，從頭罵坐數時賢。

落得稱呼浪子劉，樽前百媚佞旃裘。當年鮑老不如此，留遠亭前大也羞！

過平原作

文天祥

平原太守顏真卿，長安天子不知名。一朝漁陽動鞞鼓，大河以北無堅城。公家兄弟奮戈起，一十七郡連夏盟。賊聞失色分軍還，不敢長驅入咸京。明皇父子得西狩，由是靈武起義兵。唐家再造李郭力，若論牽制公威靈。哀哉常山慘鈎舌，心歸朝廷氣不懾。崎嶇坎坷不得志，出入四朝老忠節。當年幸脫安祿山，白首竟陷李希烈。希烈安能遽殺公，宰相盧杞欺日月。亂臣賊子歸何處？茫茫煙草中原土。公死於今六百年，忠精赫赫雷行天。

## 正氣歌并序

文天祥

予囚北庭，坐一土室，室廣八尺，深可四尋，單扉低小，白間短窄，汗下而幽暗。當暇日諸氣萃然，雨潦四集，浮動牀几，時則爲水氣。塗泥半朝，蒸瀉歷瀾，時則爲土氣。乍晴暴陰，風道四塞，時則爲日氣。簷陰薪爨，助長炎虐，時則爲火氣。倉廩寄頓，陣陣逼人，時則爲米氣。駢肩雜選，腥臊汗垢，時則爲人氣。或圍溷積臭暴屍，或腐鼠惡氣雜出，時則爲穢氣。疊是數氣，當之者鮮不爲厲，而予以孱弱，俯仰其間，于茲二年矣。審如是，殆有養致然爾，然亦安知所養何哉？孟子曰：『我善養吾浩然之氣。』彼氣有七，我氣有一，以一敵七，吾何患焉。况浩然者乃天

氣之正氣也，作正氣歌一首。

天地有正氣，雜然賦流形，下則爲河嶽，上則爲日星，於人曰浩然，沛乎塞蒼冥。皇路當清夷，含和吐明庭。時窮節乃見，一一垂丹青。在齊太史簡，在晉董狐筆，在秦張良椎，在漢蘇武節。爲嚴將軍頭，

正氣歌

四五



爲稽侍中血，爲張睢陽齒，爲顏常山舌。或爲遼東帽，清操厲冰雪；或爲出師表，鬼神泣壯烈；或爲渡江楫，慷慨吞胡羯；或爲擊賊笏，逆豎頭破裂。是氣所磅礴，凜烈萬古存。當其貫日月，生死安足論，地維賴以立，天柱賴以尊，三綱實繫命，道義爲之根。嗟予遘陽九，隸也實不力，楚囚纓其冠，傳車送窮北。鼎鑊甘如飴，求之不可得。陰房闐鬼火，春院闕天黑，牛驥同一皁，雞棲鳳凰食。一朝蒙霧露，分作溝中瘠。如此再寒暑，百沴自辟易。哀哉沮洳場，爲我安樂國。豈有他繆巧，陰陽不能賊。顧此耿耿在，仰視浮雲白，悠悠我心憂，蒼天曷有極！哲人日已遠，典型在夙昔。風簷展書讀，古道照顏色。

## 重過

謝翱

隔江風雨動諸陵，無主園池草自春。聞說就中誰最泣，女冠猶有舊宮人。

○謝翱字皋羽，自號唏髮子，長溪人，後徙浦城，嘗爲文天祥諮議參軍。天祥被執死，翱避居浙東。有唏髮集。

### 幽州歌

汪元量 ①

漢兒辮髮籠氈笠，日暮黃金台上立，臂鷹解帶忽放飛，一行塞雁南征泣。

○汪元量字大有，錢塘人。度宗時以善琴出入宮掖。宋亡，隨三宮北去，後爲黃冠，自號水雲子。還錢塘，往來匡廬彭蠡間。有湖山韻稿，水雲集。其詩慷慨悲歌，多紀國亡北徙事，後人推爲詩史。

### 醉歌兩首

汪元量

亂點連聲殺六更，熒熒庭燎待天明。侍臣已寫投降表，臣妾僉名謝道清。

湧金門外雨晴初，多少紅船上下趨。龍管鳳簫無韻調，卻搥戰鼓下西

湖。

哀劉將軍 ①

鄭思肖 ②

萬重圍裏脫兵氛，匹馬勤王志不分。既抱忠貞讎敵國，莫於成敗議將軍。身前名照江南月，地下心銜塞北雲。爲痛英雄併消沒，託詩爲史筆傳聞。

①劉將軍名師勇，守常州，元兵屢攻不下，乃大舉合圍月餘破之。將軍奔行在，死於南中。

②鄭思肖字所南，一字憶翁，連江人。初名某，宋亡，改思肖，卽思趙；「所南」，「憶翁」皆寓意，示不忘宋也。初以太學上舍應博學弘詞科，會元兵南下，叩闕上書，不報。宋亡，隱居吳下，自稱三外野人，終身不娶。有詩集曰心史，所言多種族思想語。

制置李公 芾

鄭思肖

公之忠義最烈，古未有之所聞，未及其詳，故未敢書，今虜亦祠祀之矣。

舉家自殺盡忠臣，面仰青天哭斷聲。聽得北人歌裏唱，潭州城是鐵州城。

都統王公安節

鄭思肖

節使王堅之子，在常州與賊戰，所部三百軍皆陷，公雙刀孤戰，殺賊不計數。賊嘗擲示十萬戶金牌與之，不受，口則罵，手則殺，以馬失利而死，虜賊咸稱其能死戰也。

健兒三百陷胡塵，匹馬孤騰勇過人。至死執刀唯罵賊，自言不作兩朝臣。

隨駕內嬪某氏

鄭思肖

隨駕北狩內嬪某氏，虜酋屢欲犯之，以其吐語貞烈，竟不可得，乃書於裙帶上曰：『誓不辱國，誓不辱身，』遂自經於虜館。死後爲虜人分爨其肉食之。

都統王公 隨駕內嬪某氏

六礪 德祐二年歲旦 出塞曲二首

五〇

玉殿辭春陷馬塵，忍將羶穢汗貞身。能行男子難行事，羞殺朝中投閣人！

六礪

鄭思肖

操得南音類楚囚，早期戮力復神州。須知鐵鑄忠臣骨，縱作微塵亦不休。

德祐二年歲旦

鄭思肖

有懷長不釋，一語一酸辛。此地暫胡馬，終身只宋民。讀書成底事，報國是何人？恥見干戈裏，荒城梅又春。

出塞曲二首

張 琰 ①

腰間插雄劍，中夜虎龍吼，平明登前途，萬里不回首。男兒當野死，豈爲印如斗？忠誠表壯節，燦爛千古後。

朝發山陽去，暮宿清水頭，上馬左右射，捷下如獼猴。先發服勇決，

手提血鬪體。兵家互勝負，凡百慎前籌。

○張琰字汝玉，廣陵人，兵敗門死。

### 征西壯士謠

元好問 ①

三十未有二十強，手內蛇矛丈八長。總爲官家金印大，不怕百死向沙場。捉却賀蘭山下賊，金鞍繡帽好還鄉。

①元好問字裕之，號遺山，金秀容人，七歲能詩，官至尙書省左司員外郎，金亡不仕。有遺山集，中州集等書。

### 走馬引

劉 基 ①

天冥冥，雲濛濛，當天白日中貫虹。壯士拔劍出門去，手提籬頭擲草中。擲草中，血漉漉，追兵夜至深谷伏。精誠感天天心哀，太一乃遣天馬從天來，揮霍雷電揚風埃。壯士呼，天馬馳，橫行白晝，吏不敢窺。戴天之恥自古有必報，天地亦與相扶持。夫差徒能不忘而報越，

送翰林典籍張敏行之官西上 張中丞廟

五二

棲於會稽又縱之。始知壯士獨無愧，魯莊何以爲人爲？

○劉基字伯溫，青田人，精天文兵法。明太祖定天下，基謀爲多，封誠意伯。後爲胡惟庸構陷，憂憤而死。有覆瓿集，寫情集等書。

送翰林典籍張敏行之官西上

孫 蕡 ○

燉煌城下沙如雪，燉煌城頭無六月。關西勁卒築防秋，捷書夜半飛龍樓。九重下詔徵貔虎，推轂上將開都府。黃旗卷日大軍行，旄頭化石夜有聲。燉煌迢迢五千里，十月卽渡黃河水。上將翩翩才且雄，平戎不數貳師功。叱咤猶在輪臺北，匹馬已入渠黎國。左較偏裨晚射鵬，倚鞍醉索單于朝。西山黑風吹墮瓦，霜角吹秋塞垣下。太平今見遠宣威，君往從戎幾日歸？幕下文儒能耀武，詞林從此有光輝。

○孫蕡字仲衍，廣東順德人，博學工詩文。有西菴集。

張中丞廟 ○

高 啟 ○

延秋門上烏啼霜，羯兒曉登天子牀。江頭老臣淚暗滴，萬乘西去關山長。公卿相率作降鹵，草間拜泣如羣羊。當時不識顏平原，豈復知有張睢陽。孤城落日百戰後，瘦馬食盡人裹瘡。男兒竟爲忠義死，碧血滿地嗟誰藏？賀蘭不斬上方劍，英雄有恨何時忘？千年海上見祠廟，古苔叢木秋風荒。摩挲畫壁塵網裏，勇氣曄曄虬髯張。巫歌大招客酌酒，忠魂或能來故鄉。

○張巡嘗拜御史中丞，見守睢陽作附註。

○高啓字季迪，長洲人。元末避張士誠之亂，居松江之青邱，自號青邱子。洪武初召修元史，授翰林院國史編修官，後坐事被誅。有大全集，烏藻集。

## 出塞

于謙○

健兒馬上吹胡笳，旌旗五色如雲霞，紫髯將軍掛金印，意氣直吞瓦刺家。瓦刺窮胡真犬豕，敢向邊疆撓赤子，狼貪鼠竊去復來，不解偷生

出塞



求速死。將軍出塞整戎行，十萬戈矛映雪霜。左將纔看收部落，前軍又報縛戎王。羽書奏捷上神州，喜動天顏寵數優。不願千金萬戶侯，凱歌但願早回頭。

○于謙字廷益，錢塘人，永樂進士。宣宗時，歷官中外，頗有政績。英宗土木之變，京師震驚，羣議南渡，謙議立景帝，定策固守，擊敗也先，遂擢兵部尙書。後英宗復辟，被殺，諡忠肅。有于忠肅集。

十六州

李東陽 ○

契丹助晉兵，一號三十萬，晉家報契丹，一數一疋絹。三十萬絹何足惜，一十六州空棄擲，遂令宋統成偏安，中原以北無幽燕。金元相承二百載，痛哭衣冠化兜鍪。至今五鎮接三邊，不備西陲備東海。

○李東陽字賓之，茶陵人，天順進士。孝宗時官至大學士，立朝五十年，清節不渝，以老疾乞休。有懷麓堂集。

石將軍戰場歌 ㊟

李夢陽 ㊟

清風店南逢父老，告我已已年間事。店北猶存古戰場，遺鏃尙帶「勤王」字。憶昔蒙塵實慘怛，反覆勢如風雨至。紫荆關頭晝吹角，殺氣軍聲滿幽朔。胡兒飲馬彰義門，烽火夜照燕山雲。內有于尙書，外有石將軍；石家官軍若雷電，天清野曠來酣戰。朝廷旣失紫荆關，吾民豈保清風店，牽爺負子無處逃，哭聲震天風怒號，兒女床頭伏鼓角，野人屋上看旌旄。將軍此時挺戈出，殺敵不異草與蒿，追北歸來血洗刀，白日不動蒼天高，萬里煙塵一劍掃，父子英雄古來少。單于痛哭倒馬關，羯奴半死飛狐道。處處懽聲噪鼓旗，家家牛酒犒王師。休誇漢室嫖姚將，豈說唐朝郭子儀。沉吟此事六十春，此地經過淚滿巾，黃雲落日古骨白，沙礫慘淡愁行人。行人來折戰場柳，下馬坐望居庸口，却憶千官迎駕初，千乘萬騎下皇都，乾坤得見中興主，日月重開

再造圖。梟雄不數雲臺士，楊石齊名天下無。嗚呼楊石今已無，安得再生此輩西備胡？

①石將軍名亨，渭南人。善騎射，累官都督僉事。英宗北狩以後，也先犯京師，亨與于謙擊破之，陞鎮朔大將軍，封武清侯。

②李夢陽字獻吉，慶陽人，弘治進士，官至江西提學副使。工詩古文，與何景明，徐禎卿等號十才子。有空同集。

邊中送別

袁崇煥 ①

五戰離家別路悠，送君寒浸寶刀頭。欲知肺腑同生死，何用安危問去留。策杖只因圖雪恥，橫戈原不爲封侯。故園親侶如相問，愧我邊塵尙未收。

①袁崇煥字元素，東莞人，萬曆進士，有膽略，好談兵，累官右僉都御史，巡撫遼東。崇禎初進兵部尙書，督師薊遼，後入援都城。以讒問死。

孫大將軍贈我以人頭杯長歌賦謝

楊文聰 〇

天驕濺血污青天，十年虜塵迷九邊，家家空有生銅吼，豪客誰驅走鋒巔？綠眼將軍勤遠戰，腰控金鈎赤羽箭，紫騮一騎踏黃沙，奪得敵兒駕飛電。何必嫖姚與吳起，雄略行邊幾萬里，渴餐冷血當清泉，旋取頭顱作杯子，一飲一斗氣如虹，醉倚氍毹笑晚風。蠻童妖女皆驚怖，起來猶自彎雕弓，獨指楊郎相對看，英雄許我洗銀漢。半生未遇蔡中郎，潦倒無端留下爨。我亦拔劍目裂眚，寶氣入斗驚白帝，壯懷長嘯向君開，恍如獨鶴空中唳。感君容我發疏狂，劍光提動揮八方，脫手相贈亦何勇，我將持此見明王。世人畏死懼寒鐵，有頭怕學常山舌。豈惟求之君臣間？末世因之交情絕。君不見孫陽有眼誇絕塵？又不見孫武行兵驅婦人？君臣朋友自千古，誰能再見孫將軍？

〇楊文聰字龍友，貴陽人，舉於鄉。崇禎時官江甯知縣。福王立於南京，起爲監軍

揚州參將李鐵臉歌

五八

，駐京口，擢右僉都御史，巡撫其地，與清兵隔江相持，兵敗走處州。時唐王立於福州，拜文驄爲兵部右侍郎，兼右僉都御史，提督軍務，兵敗被執不屈死。

揚州參將李鐵臉歌

李沂○

天下兵官誰最壯？眼中惟見李參將。參將名將功不成，至今揚人爲惆悵。初至維揚號令明，旌旗壁壘雄風生，連宵火砲教夜戰，自奮刀槊來奮營。私帑椎牛饗壯士，金錢射中誰敢爭？朝食潢池誓翦滅，五千紫塞堪橫行。承平既久武備弛，海內傾洞兵戈起。朝貴由來賤武臣，羣兇坐視憂天子。已聞關內縱長鯨，更傳劍外奔封豕。棘門灞上皆兒童，蕭娘呂姥尤龍鍾，日驅市人潤鋒鏑，飛書奏捷乾清宮。神州大勢漸崩蕩，誰把赤心報君上？但呼鐵臉人盡知，淮海之間稱保障。城東夜落星光紫，參將未死馬先死；參將既死人歎嗟，明廣陵城上吹邊笳！

○李沂字子化，一字艾山，號壺庵，興化人。有鸞嘯堂集。

### 少保戚公繼光

吳易

大將東南誰？戚公真鷹揚，雄情恣捭闔，祕策揮陰陽。夙奉綦履訓，更見經術詳。結友傾賢豪，文采殊頡頏。曉達三門流，以律師所臧。龍鳥追武侯，衡軸通軒皇，變化開精心，什伍爲鴛鴦。○島夷蹂南土，兵氣慘不張。閉營百日練，戰士虎力强，疾掃溟波平，受鉞總薊方，計伸犁庭威，十萬環偏廂。遠猷振善夏，定策爲周防。亭障雜星羅，旌旄蔽日光。呼韓遂稽首，郅支亦來王，款關四十年，戎馬不敢颺。伐暴貴上兵，功豈必戰場。竟無通侯賞，坐使壯士傷。時平武略絀，世亂智勇長。問彼登壇者，曷以恢我疆？

○戚繼光字元敬，定遠人，世襲登州衛指揮僉事，嘉靖中歷浙江參將，屢破倭寇，

陞福建總督。後鎮薊門，專主守禦，邊境晏然，由總兵累官太子少保

少保戚公繼光

五九

燕市弔袁督師 憶昔燕畿之變

六〇

② 戚將軍所結陣名。

③ 吳易字日生，吳江人，崇禎進士。福王時授兵部主事，監史可法軍，募兵屯長白蕩。唐王授兵部侍郎，進尙書。魯王監國，封長興伯，師敗被執死。

燕市弔袁督師

張家玉 ①

黃沙白霧皂雕旗，獨賴孤臣兩臂揮。鬻血作書招死士，裹瘡臨戰立重圍。遂令漢卒聞笳奮，共掃妖氛奏凱歸。勞苦功高誰得似，中山何事謗書飛？

① 張家玉字元子，東莞人，崇禎進士，工詩。唐王時，召授編修，兼給事中。李成棟陷廣州，家玉毀家招兵，據東莞，與陳子壯相應，兵敗墜水死。

憶昔燕畿之變

張家玉

首逆何人賣國先，遂令滋禍竟綿延？內廷已失金吾守，外地寧誇鐵甕堅？萬井桑麻鋪戰壘，千家城郭靜炊煙。誰憐去國孤臣遠，禾黍興悲

幾涕漣。

自舉師不克與二三同志怏怏不平賦此

張家玉

落日南冠且笑歌，肯將壯士竟蹉跎？丈夫不作尋常死，縱死常山舌不磨。

軍中夜感

張家玉

慘淡天昏與地荒，西風殘月冷沙場。裹尸馬革英雄事，縱死終令汗竹香。

夜走博羅

張家玉

舉目烽煙黯自傷，胡笳吹處似邊方。真同喪狗生無賴，縱比流螢死有光。力盡張良虛博浪，時窮許遠失睢陽。當存百煉堅金志，捲土重來未可量。

感遇

張家玉

自舉師不克與二三同志怏怏不平賦此 軍中夜感 夜走博羅 感遇 六一



顛倒蒼蒼亦可憐，江山何地是安然？宵行秣馬傳餐食，夜宿連營抱鼓眠。雪骨寒梅真我瘦，冰心酷月爲誰圓？從今一斗孤忠血，總化春山哭杜鵑！

輓陳同盟

張家玉

國破家亡事兩傷，孤忠羨爾鐵肝腸。盟心共信真豪傑，戮力同驅假犬羊。激烈剛風生凜凜，從容正氣死堂堂！獨憐奇計人空老，誓報如今只子房。

營中晚坐

張家玉

轅門坐冷夜悠悠，燐火低飛笑鬼幽。萬里山河悲戰角，百年身世負虛舟。羶腥我抱淪胥痛，冠履誰甘倒置羞！欲借朱雲當日劍，奮來高斬佞臣頭。

塞下曲

黃淳耀 ①

黃雲如岸壓孤城，邊騎千羣夜紮營。衣帶自書「忠盡」字，健兒雖死貴留名。

①黃淳耀字蘊生，號陶菴，嘉定人，崇禎進士。京師陷，清兵南下，淳耀偕侯峒曾于嘉定招練民軍，固守城垣。翌年南都陷，嘉定亦破，偕弟淵耀縊於西城僧舍。有陶菴集，自監錄，知過錄等書行世。

### 萬古愁

歸莊 ①

### 風雨大江清

沒一個建義旗，下井陘的張天討；沒一個驅鐵騎，渡黃河的把賊膽搖；沒一個痛哭秦庭效楚包，沒一個灑淚新亭做晉導；沒一個擊江楫，風湧怒濤高；沒一個舞鷄鳴，星靜月痕小；沒一個噴賊血，截舌似常山杲；沒一個守孤城，碎首在睢陽廟；大都是鶴唳風聲預遁逃，把青徐克冀雙手兒送得早！

贈朱監紀四輔 剪髮

六四

○歸莊一名祚明，字元恭，號恆軒，崑山人。諸生，工文辭書畫。與同邑顧炎武善，明亡後共起兵擁魯王，既而野服終身。有恆軒集，懸弓集，山遊詩。

贈朱監紀四輔

顧炎武 ①

十載江南事已非，與君辛苦各生歸。愁看京口三軍潰，痛說揚州七日圍。碧血未消今戰壘，白頭相見舊征衣。東京朱祜年猶少，莫向尊前歎式微。

①顧炎武初名絳，字甯人，號亭林，崑山人。明末諸生，性耿介絕俗。魯王時與歸莊共起兵，官兵部職方郎中。明亡，周遊四方，載書自隨，所在輒墾田度地以備有事。康熙時舉鴻博，薦修明史，均不就，後卜居華陰以終。其學以朱子爲主，而長於考證。著述甚多，有日知錄，天下郡國利病書，亭林詩文集等數十種。

剪髮

顧炎武

流轉吳會間，何地爲吾土！登高望九州，憑陵盡戎虜，寒潮盪落日，

雜遝魚蝦舞，饑鳥晚未棲，弦月陰猶吐。晨上北固樓，慨然涕如雨。稍稍去鬢毛，改容作商賈。却念五年來，守此良辛苦，畏途窮水陸，仇讐在門戶，故鄉不可宿，飄然去其宇，往往歷山澤，又不避城府。丈夫志四方，一節亦奚取。毋爲小人資，委肉投餓虎。浩然思中原，誓言向江滸。功名會有時，杖策追光武。

井中心史歌有序

顧炎武

崇禎十一年冬，蘇州府城中承天寺以久旱浚井，得一函，其外曰：『大宋鐵函經，』錮之再重，中有書一卷，名曰『心史』，稱『大宋孤臣鄭思肖百拜封。』思肖號所南，宋之遺民，有聞於志乘者；其藏書之日爲德祐九年，宋已亡矣，而猶日夜望陳丞相，張少保統海外之兵以復大宋三百年之土宇，而驅胡元於漠北。至於痛哭流涕而禱之天地，盟之大神，謂『氣化轉移，必有一日變夷而爲夏者。』於是郡中之人，見者無不稽首驚詫，而巡撫都院張公國維刻之以傳，又爲所南，立祠堂，

井中心史歌

藏其函祠中。未幾而遭國難，一如德祐末年之事，嗚呼悲矣，其書傳至北方者少，而變故之後，又多諱而不出，不見此書者三十餘年，而今復視之富平朱氏。昔此書初出，太倉守錢君肅樂賦詩二章，崑山歸生莊和之八章。及浙東之陷，張公走歸東陽，赴池中死。錢君遜之海外，卒於琅琦山。歸生更名祚明，爲人尤慷慨激烈，亦終窮餓以歿。獨余不才，浮沈於世，悲年運之日往，值禁網之逾密，而見賢思齊，獨立不懼，故作此歌以發揮其事云爾。

有宋遺臣鄭思肖，痛哭胡元移九廟，獨立難將漢鼎扶，孤忠欲向湘纍弔。著書一卷稱心史，萬古此心心此理。千尋幽井置鐵函，百拜丹心今未死。胡虜從來無百年，得逢聖祖再開天，黃河已清人不待，沈沈水府留光彩。忽見奇書出世間，又驚胡騎滿江山。天知世道將反覆，故出此書示臣鵠。三十餘年再見之，同心同調復同時。陸公已向匡門死，信國捐軀赴燕市。昔日吟詩弔故人，幽篁落木愁山鬼。嗚呼蒲黃

○之輩何其多，所南見此當如何！

○宋末蒲壽庚，黃萬石。

乙酉元夕婁城盛張燈火有感而賦

陸世儀 ○

塞北旌旗亂，江南采色多，敷天猶有淚，薄海但聞歌。遊女飛金爵，王孫曳玉珂。太平誠足樂，九世奈仇何！

○陸世儀字道威，太倉人，諸生。嘗從劉宗周學，博洽無所不通。明亡，拓地十畝，築亭其中，自號曰桴亭。有桴亭全集等書。

今樂府三首

吳 炎 ○

(一) 前搗巢

漢兒莫悲胡莫舞，雲中新將智且武；我欲殺胡勇可賈，胡南窺，漢北往，輕師夜夾沙水仗；胡兒歸來獨惆悵。喜峯口，休作巢，漢家今有霍嫖姚。豐州城，休作帳，漢家今有李飛將。

乙酉元夕婁城盛張燈火有感而賦 今樂府三首

(二)後搗巢

自燕都門，遙遙望遼土，劇哉邊野寄生于豺虎。朝隆隆，漢營鼓；夕燭燭，胡庭火。百萬健兒爭避虜，使我邊氓獨愁苦。春風乍起，邊草方萌。胡兒未至，我欲歸耕，欲耕未得耕。夜半何人？來襲我營。驅我弱兒老婦，踏踏前頭行，安知襲我是漢兵！兵未接，數騎轉呼漢兒怯。將軍獨歸兵不歸，盡作板城城下血。何事將軍翻奏捷？腦毛大會八犯級；纍纍猶可算，問汝何從得級？陣亡官軍頭作賊，不殺牂羊殺殺羆，可憐繡衣空灑泣。獨不聞丞相事姑息！

(三)封關白

萊陽烽火何連連！倭奴十萬乘朝鮮。朝鮮委命請下吏，援師合沓工退避。喪師辱將軍諱封，貢亦不肯去。朝鮮君臣，涕泣如雨。使受誅，倭始歸，捷書還向京師飛。不聞將軍得倭級，但見平壤城外枯骨高如

丘。堂堂漢司馬，空受倭奴譏！

○吳炎字赤溟，又字如晦，號魏庵，後更號赤民，吳江人。明諸生；亂後隱居教授，以詩文自豪。既撰明史，書未成，遭烏程莊氏史案，及於難。有吳赤溟集。

卽事兩首

夏完淳 ①

復楚情何極，亡秦氣未平！雄風清角勁，落日大旗明。縞素酬家國，  
戈船決死生。胡笳千古恨，一片月臨城。  
戰苦難酬國，仇深敢憶家。一身存漢臘，滿目盡胡沙。落月翻旗影，  
清霜冷劍花。六軍渾散盡，半夜起悲笳。

○夏完淳字存古，松江華亭人，生有異稟，七歲能詩文，與南中舉義之役，爲清督師洪承疇軍所執，解至金陵。臨行辭其母曰：『忠孝家門事，何須問此身。』及見洪承疇，奮起痛詈之，遂遇害，年僅十八。有玉樊堂集。

魚服

夏完淳

卽事二首 魚服

六九



投筆新從定遠侯，登壇誓飲郅支頭。蓮花劍淬胡霜重，柳葉夜輕漢月秋。勵志鷄鳴思擊楫，驚心魚服愧同舟。一身湖海茫茫恨，縞素秦庭矢報仇。

秦良玉遺像 ①

沈欽圻 ②

縵纓銀冑垂紅綉，兩檔耀日風前披，滿月粉頰揚青眉，繡旗飄翻擁長鉞。誰人結束整隊伍，知是石砭女土司。英雄自古出巾幗，投石戰場耀顏色。當年平靖奢崇明，一騎紅裝萬人敵，手持長繩入賊陳，縛賊歸來向空擲。思宗季年紛戰爭，勤王誓師萬里行，至尊一語表英武，桃花馬上請長纓；後來獻賊入巴蜀，齟齬不遺橫殺戮。勤王兵殘勢窮蹙，子喪弟死一身獨，連斬六賊力已殫，拔刀自刎身不辱。忠勇義烈兼有之，女中張許誰能續。卽今遺像餘桓桓，摧激人間壯士肝。願將效死沙場女，追配從軍古木蘭。

○秦良玉忠州人，石砮宜撫使馬千乘妻，饒膽智，善騎射，兼通詞翰。千乘卒，良玉代領其衆，以討奢崇明功授都督僉事，充總兵官。崇禎時入援京師。流賊入川，良玉屢破之。及張獻忠陷川，良玉悉召所部約曰：『有從賊者，殺無赦。』乃分兵守四境，賊徧招土司，獨無敢至石砮境者。

○沈欽圻字得輿，長洲人，明末諸生，工詩。

### 塞下曲

許景樊

都護防秋掛鐵衣，城南初解十重圍。金戈漂盡單于血，白馬天山踏雪歸。

○許景樊字蘭雪，七歲作廣寒宮上梁文；長適進士金成立，成立後殉國難。

### 哀虎門

弔廣東諸將也

趙函

道先庚子冬粵中和議將成，督部遽撤戍守，逆夷乘不備，攻破沙角大角二砲臺，三江副將陳連升及子舉鵬死之，父子殺賊頗多，賊剗割其屍。明年二月賊驅火輪船入

哀舟山

七二

虎門，守兵僅數百人，提督關天培請援兵，督部堅不發，提督力戰不支自刎死，水師游擊秦廷章亦殉焉。同時鎮守總兵祥福率楚兵守烏涌，戰歿岩山，游擊沈占鰲，守備洪連科同拒賊死。

沙角已毀大角摧，陳安父子同飛灰。紅彝大礮破浪來，師子洋外聲如雷。虎門將軍壯繆裔，報國丹心指天誓。兵單乞援援不至，南八男兒空灑涕。賊來蠓鏡窺虎門，海水騰沸焚颺輪，揮刀赴敵惟親軍，一死無地招忠魂。賊勢鷓鴣張楚兵哭，烏涌東西等破竹。吁嗟乎督師議和和不成，召寇親至蓮花城！

○趙函字良甫，震澤人，諸生。有樂潛堂詩集，菊潛庵牋藁。

哀舟山 弔定海三鎮也

趙函

夷陷廈門後，再犯定海。壽春總兵王錫朋，處州總兵鄭國鴻，定海總兵葛雲飛，同守定海。賊至拒戰，自八月十二日至十六日，我軍屢捷。十七日，賊由陸路攻曉峯

嶺，王鎮砲傷一足，猶揮軍進，賊憤奪其屍去。轉攻竹山門，鄭鎮中砲死。復攻東嶽宮，葛鎮勢孤亦戰死。是役也，三鎮苦戰六晝夜，殺賊甚多，卒以海外無援，同時授命。

舟山孤懸東海東，兵燹之後人烟空。逆夷再至稱報復，舍舟登陸環來攻。三鎮屯軍作犄角，屢出奇兵賊已蹙。賊分三路轉戰來，擡鎗火箭如崩雷。百戰威名壽春鎮，浴血滿身還斫陣。曉峯嶺頭挫賊鋒，六日相持氣彌振。我軍下壓賊仰登，勢與鵬鷲同飛騰。一礮山前將星墮，奪屍竟去誰能爭？竹山門，東嶽宮，賊所到處煙焰紅。鄭葛二鎮同戰死，天教鼎足成三忠。吁嗟乎舟山之戰止此三鎮成三忠，從而死者壽春一旅悲沙蟲！

三元里歌 ①

張維屏 ②

三元里前聲若雷，千衆萬衆同時來，因義生憤憤生勇，鄉民合力強徒

擢。家室田廬須保衛，不待鼓聲羣作氣。婦女齊心亦健兒，犁鋤在手皆兵器。鄉分遠近旗斑斕，什隊百隊沿溪山。衆夷相視忽變色，黑旗死仗難生還。夷兵所恃惟鎗礮，人心合處天心到；晴空驟雨忽傾盆，兇夷無所施其暴。豈特火器無所施，夷足不慣行滑泥，下者田塍苦躑躅，高者岡阜愁顛擠。中有夷酋貌尤醜，象皮作甲裹身厚，一戈已椿長狄喉，十日猶懸郅支首。紛然欲遁殲渠易，忽開巨網悠然逝。秦人慷慨賦同仇，晉臣且作和戎議。

①按此篇蓋指辛丑歲廣州鄉民禦寇事。

②張維屏字子樹，一字南山，番禺人。道光進士，官南康知府。工詩書，與林伯桐，黃喬松，譚敬昭，梁佩蘭，黃培芳，孔繼勳築雲泉山館於白雲山，曰「七子詩壇」有聽松廬文鈔，詩話，清詩人徵略等書。

入川題壁

石達開 ①

大盜亦有道，詩書所不屑，黃金若糞土，肝胆硬如鐵。策馬渡懸崖，彎弓射胡月。人頭作酒杯，飲盡仇讎血。

○石達開貴縣人，咸豐間從洪秀全起事，封翼王。韋昌輝殺楊秀清，復欲殺達開，達開率衆離金陵，由贛進襲湘桂粵各省，轉戰入川，爲唐友耕所敗，達開被殺。

### 失題

楊仲年 ○

哭罷君親髮已蒼，卅年戎馬事倉皇，干邪囊底終何補，胡虜中原尙逞狂。成敗千秋知孰是，恩仇此日已清償。丈夫濺血尋常事，留得人間姓名香。

○仲年爲燕南人，隸忠王李秀成麾下，李有國士之目。及李死，仲年百計謀爲復仇，卒不成。後哭於李墳，爲清吏所執，乃賦詩就義。

### 臺灣行

黃遵憲 ○

城頭逢逢播大鼓，『蒼天蒼天』淚如雨！『倭人竟割臺灣去，當初版圖

失題 臺灣行

入天府，天威遠及日出處；我高我曾我祖父，刈殺蓬蒿來此土，糖霜若雪千億樹，歲課金錢無萬數。天胡棄我天何怒，取我脂膏供仇虜，眈眈無厭彼碩鼠，民則何辜罹此苦！亡秦者誰？——三戶楚，何況閩粵百萬戶！成敗利鈍非所覩，人人效死誓死拒，萬衆一心誰敢侮？」一聲拔劍起擊柱：『今日之事無他語，有不從者手刃汝。』堂堂藍旗立黃虎，傾城擁觀空巷舞。黃金斗大印繫組，直將總統呼巡撫。『今日之政民爲主，臺南臺北固吾圉，不許雷池越一步。』海城五月風怒號，飛來金翅三百艘，追逐巨艦來如潮，前者上岸雄虎彪，後者奮關飛猿獠。村田之銃備前刀，當輒披靡血杵漂。神焦鬼爛城門燒，誰與戰守誰能逃？一輪紅日當空高，千家白旗隨風飄。搢紳耆老相招邀，夾跪道旁俯折腰。紅纓竹冠盤錦條，青絲辮髮垂雲鬢。跪捧銀盤茶與糕，綠沈之瓜紫蒲桃。』將軍遠來無乃勞，降民敬爲將軍導。將軍曰：「來呼

汝曹，汝我黃種原同胞。延平郡王人中豪，實關此土來分茅。今日還我天所教，國家仁聖如唐堯。撫汝育汝殊黎苗，安汝家室毋饒饒！  
將軍徐行塵不囂，萬馬入城風蕭蕭。『嗚呼將軍非天驕！王師威德無不包。我輩生死將軍操，敢不歸依明聖朝？』噫噓吁！悲乎哉！汝全臺！  
何所恃！昨何忠勇今何怯，萬事反覆隨轉睫！平時戰守無豫備，曰忠曰義何所恃！

○黃遵憲字公度，嘉應人。光緒舉人，官至湖南按察使。工詩，喜以舊文學運新思想。有人境廬詩集日本國志。

### 悲平壤

黃遵憲

黑雲崑山山突兀，俯瞰一城礮齊發，火光所到露宿磨，肉雨騰飛飛血紅，翠翎鶴頂城頭墮，一將倉皇馬革裹。天跳地踔哭聲悲，南城早已懸降旗，三十六計莫如走，人馬奔騰相踐蹂；驅之驅之速出城，尾追



翻聞餓鷓聲。大東喜舞小東怨，每每倒戈飛暗箭，長矛短劍磨鐵鎗，不堪狼藉委道旁。一夕狂馳三百里，敵軍便渡鴨綠水。一將囚拘一將誅，萬五千人作降奴！

哀旅順

黃遵憲

海水一泓烟九點，壯哉此地實天險！礮臺屹立如虎闕，紅衣大將威望儼。下有深池列鉅艦，晴天雷轟夜電閃。最高峯頭縱遠覽，龍旗百丈迎風颭。長城萬里此爲塹，鯨鵬相摩圖一瞰。昂頭側睨視眈眈，伸手欲攫終不敢。謂海可填山易撼，萬鬼聚謀無此膽。一朝瓦解成劫灰，聞道敵軍蹈背來。

降將軍歌

黃遵憲

衝圍一舸來如飛，衆軍屬目停鼓鞞；船頭立者持降旗，都護遣我來致辭：『我軍力竭勢不支，零丁絕島危乎危，龜鼈小豎何能爲，島中殘

卒皆瘡痍，其餘鬼妻兵家兒，鍋底無飯枷無衣。紇干凍雀寒復飢，五千人命懸如絲。我今死戰彼安歸？此島如城海如池。橫排各艦珠纒纒，有礮百尊槍千枝，亦有彈藥如山齊。全軍旗鼓我所司，本願兩軍爭雄雌，化爲沙蟲爲肉糜，與船存亡死不辭。今日悉索供指磨，乃爲生命求恩慈。指天爲正天鑿之，中將許諾信不欺。詰朝便爲受降期，兩軍雷動歡聲馳。燐青月黑陰風吹，鬼伯催促不得遲；濃薰芙蓉傾深卮，前者闔棺後輿尸。一將兩翼三參隨，兩軍雨泣威驚疑。已降復死死爲誰？可憐將軍歸骨時；白幡飄揚丹旒垂，中一「丁」字懸高桅，迴視龍旗無子遺，海波索索悲風悲；悲復悲，噫！噫！噫！噫！

### 聶將軍歌

黃遵憲

聶將軍，名高天下聞，虬髯虎眉面色赭，河朔將帥無人不愛君。燕南忽報妖民起，白晝橫刀走都市，欲殺一龍二虎三百羊，是何鼠子乃敢

爾！將軍令解大小圍，公然張拳出相抵，空拳冒刃口喃喃，炮聲一到駢頭死。忽來總督文，戒『汝貪功勳』，復傳親王令，責『汝何暴橫！』明晨太后詔，『不許無理鬧』，夕得相公書，問訊『事何如？』皆言『此團忠義民，志滅番鬼扶清人』。復言『神拳斫不死，自天下降天之神』。國人爭道天魔舞，將軍墨墨淚如雨，呼天欲訴天不聞。『此身未知死誰手，又復死何所！』大沽昨報礮臺失，詔令前軍作前敵，不聞他軍來，但見聶字軍旗入復出。雷聲眩眩起，起處無處覓，一礮空中來，敵人對案不能食，一礮足底轟，敵人繞床不得息。朝飛彈雨紅，暮捲槍雲黑，白馬橫衝刀雪色，用旋進退來夾擊。黃龍旗下有此軍，西人東人驚動色。敵軍方詫『督戰誰？』中旨翻疑戰不力。此時衆團民，方與將軍讎。阿師黃馬絙，車前鳴八騶；大兄翠雀翎，衣冠如沐猴，亦有紅燈照，巾幗羸兜鍪。昨日拜賜金，滿車高甌窶，京中大官來

袖前同叩頭。『懿旨五五行，許我爲同仇，獎我興甲兵，勉我修戈矛，將軍願輕我，將軍知此否？』軍中流言各譁謔，『作官不如作賊好』！諸將竊語心膽寒，『從賊容易從軍難』。人人趨叩將軍，『不願操兵願打拳』。將軍氣湧遍傳檄，『從此殺敵先殺賊』！將軍日午罷戰歸，紅塵一騎乘風馳，跪稱『將軍出戰時，闖門衆多僕羅兒，排牆擊案拖旌旗，嘈嘈雜雜紛指揮，將軍之母將軍妻，芒籠繩縛兼鞭笞，驅迫泥行如犬鷄，此時生死未可知，恐遭毒手不可遲。將軍，將軍，宜急追』！將軍追賊正馳電，道旁一軍路橫貫，齊聲大呼『聶軍反』，火光已射將軍面，將軍左足方中箭，將軍右臂幾化彈。是兵是賊紛莫辨，黃塵滾滾酣野戰。將軍磨軍方寸亂，將軍部曲已雲散。將軍仰天泣數行：『衆狂仇我謂我狂，十年訓練求自強，連珠之炮秘門槍，禿襟小袖氈毳裝，番身漢心庸何傷。執此誣我纔口張，通天之罪死難償。』

我何面目對我皇，外有虎豹內豺狼。警警犬吠牙強梁，一身衆敵何可當。今日除死無可望，非戰之罪乃天亡！天蒼蒼，野茫茫，八里台，作戰場，赤日行空飛沙黃，今日披髮歸太荒。左右攙扶出裹瘡：一彈掠肩血滂滂，一彈洞胸胸流腸。將軍危坐死不僵，白衣素冠黑翎檔。幾人泣送將軍喪，從此津城無人防。將軍母，年八十，白髮蕭騷何處泣！將軍妻，是封君，其任其歿家莫聞。麻衣草屨色憔悴，路人道是將軍子，欲將馬革裹父屍，萬骨如山堆戰壘。

弔劉道一烈士

黃興○

英雄無命哭劉郎，慘澹中原俠骨香。我未吞胡恢漢業，君先懸首看吳荒。啾啾赤子天何意，獵獵黃旗日有光。眼底人才思國士，萬方多難立蒼茫。

○黃興原名軫，字廛吾，湖南長沙人。游學日本，返國後在湘創辦學堂，暗圖革命。

。復與宋教仁等創設興華會，密謀舉事，未成，走日本，與孫中山先生相遇，合組同盟會，先後舉兵於欽州，廉州，潮州，鎮南關，河口等處，均失敗。辛亥三月二十九日廣州黃花崗之役，興率衆親自攻燬督署，事敗，乃易服絕城而逸。武昌革命軍起事，被任總司令，與清軍血戰於武漢三鎮。南京臨時政府成立，任陸軍總長兼參謀總長。政府北遷以後，爲南京留守。及第二次革命發生，興在南京首先影響，與師討袁。民國四年護國軍起義，興籌巨款以接濟之，不久袁氏敗亡斃命。終因爲國心勞，憂傷積瘁，於五年十月末日嘔血而死，年四十三。

### 蝶戀花

弔黃花崗諸烈士

黃興

轉眼黃花開發處，爲囑西風，暫把香籠住待。釀滿枝鮮艷露，和香吹上無情墓。回首羊城三月暮，血肉橫飛，氣直吞狂虜。事敗成功非鼠子，英雄地下長無語。

無題

趙聲 ①

蝶戀花 無題

八三

一腔熱血千行淚，慷慨淋漓爲我言。大好頭顱拼一擲，太空追攫國民魂。

○趙聲字伯先，江蘇丹徒人，以拔貢入陸軍學堂，畢業後累遷江南三十四標標統，因登北極閣演說，哭明太祖陵墓，爲兩江總督端方所疑解職。旋赴粵任新軍標統，暗中進行革命，先後參與欽廉防城之役，及廣州新軍之役。辛亥三月二十九日，黃花崗之役，聲與黃興被選爲首領，計劃一切。及事敗，憤恨成疾，患腸癰卒，年三十九。

弔吳烈士櫬 ○

秋瑾 ○

崑崙一脈傳驕子，二百餘年漢聲死，低頭異族胡衣冠，腥膻汚人祖宗恥。忽地西來送警鐘，漢人聚哭崑崙東，方知今日豚尾子，不是當年漢大風。裂眦嚙指爭傳檄，大叫同胞聲激烈，積恥從頭速洗清，還我堂堂黃帝裔。大江南北羣相和，英雄爭挽魯陽戈，盧梭文筆波蘭血，

拚把頭顱換鏡歌。年年歲月駒馳隙，有漢光復總無策。志士奮叫東海東，胡兒虎踞北京北。苦我同胞意未同，徒勞流血嘆無功。提防家賊計何酷！憤起英雄出皖中。皖中有志名吳樾，百鍊鋼腸如火熱，報仇直以酬祖宗，殺賊計先除羽翼。爆血同拚殲賊臣，男兒愛國已忘身，可憐懵懵天意瞽，致使英雄志未伸。電傳噩耗風潮聳，同志相顧皆色動。打破從前奴隸關，驚回大地繁華夢。死殉同胞剩血痕，我今痛哭爲招魂。前仆後繼人應在，如君不愧軒轅孫！

○吳烈士樾字孟俠，安徽桐城人，熱心革命。光緒三十一年八月，載澤，端方，紹英，戴鴻慈，徐世昌五大臣，奉使出洋，考察歐美政治，樾以炸彈襲擊之於車站，載澤，紹英受傷，餘皆無恙，樾被難而死。

○秋瑾字璿卿，號競雄，別署鑑湖女俠，浙江山陰人。工詩文詞，爲人豪邁爽俠，個個有大志。長適湘潭王廷鈞。庚子之役，女俠受刺戟甚深，乃脫離家庭，東渡

弔吳烈士樾



寶劍歌

八六

求學；赴日之後，加入同盟會，歸國後創辦中國女報，開通女界風氣。尋回紹興，長明道女學，及大通學堂。時徐錫麟方在皖圖大舉，女俠亦往來江浙，部署其衆，得數千人，編爲八軍，以徐爲首領，彼副之。後徐在皖舉義失敗，女俠在浙被捕殉難，年三十三。

寶劍歌

秋瑾

炎帝世炎傷中絕，花花國恨何時雪！世無平權祇強權，話到興亡眦欲裂。千金市得寶劍來，公理不恃恃赤鐵。死生一事付鴻毛，人生到此方英雄。飢時欲啖仇人頭，渴時欲飲匈奴血。俠骨峻嶒傲九州，不信大剛剛則折。血染斑斑已化碧，漢王誅暴由三尺。五胡亂晉南北分，衣冠文弱難辭責。君不見劍氣稜稜貫斗牛，胸中了了舊恩仇？鋒芒未露已驚世，養晦京華幾度秋。一匣深藏不露鋒，知音落落世難逢。空山一夜驚風雨，躍躍沈吟欲化龍。寶光閃閃驚四座，九天白日闇無色。

。按劍相顧讀史書，書中誤國多奸賊。中原忽化牧羊腸，咄咄腥風吹禹域。除却干將與莫邪，世界伊誰開暗黑？斬盡妖魔百鬼藏，澄清天下本天職。他年成敗利純不計較，但恃鐵血主義報祖國。

### 秋風曲

秋瑾

秋風起發百草黃，秋風之性勁且剛，能使羣花皆縮首，助他秋菊傲秋霜。秋菊枝枝本黃種，重樓疊瓣風雲湧。秋月如鏡照江明，一脈清波敢搖動。昨夜風風雨雨秋，秋霜秋露盡含仇，青青有葉畏搖落，枝頭胡鳥不勝愁。祇有秋來最蕭颯，漢塞唐關秋思發。塞外秋高馬正肥，將軍速索黃金甲，披上金甲戰胡狗，胡騎百萬抱頭走。將軍大笑呼漢兒，痛飲黃龍自由酒。

### 黃海舟中感懷

秋瑾

聞道當年鏖戰地，祇今猶帶血痕流。馳驅戎馬中原夢，破碎河山故國

感憤 庚戌被逮口占 殺賊

八八

羞。領海無權悲索寞，磨刀有日快恩讎。天風吹面冷然過，十萬雲煙眼底收。

感憤

秋瑾

莽莽神州慨陸沉，救時無計愧偷生。搏沙有願興亡楚，博浪無椎擊暴秦。國破方知人種賤，義高不礙客囊貧。經營恨未酬同志，把劍悲歌涕淚橫。

庚戌被逮口占

汪兆銘

慷慨歌燕市，從容作楚囚。引刀成一決，不負少年頭。

殺賊

林奎

明月如霜照寶刀，中宵鼓角韻清高。男兒斬得單于首，便不封侯也可豪。

○林奎福建侯官人，烈士。

## 己酉守歲

吳祿貞 ①

壯年躍馬賦西征，仗劍思吞海底鯨。葱嶺萬重輕舉足，秦關百二慣宵行。霸圖憑弔班都護，飛將長懷李北平。幾輩雄兵談紙上，扶桑日麗說東瀛。

①吳祿貞號綬卿，湖北雲夢人，留學日本，專習陸軍，思有以報效祖國，嘗參與庚子大通之役，事敗遁至海上，後投效東三省，以才略知名，遂得握兵柄。間島之爭，爲延吉邊務大臣，辦理交涉，精幹明敏，日人雖狡，卒不得逞。洊升副都統，遂爲第六鎮統制。辛亥武漢事起，祿貞被調爲山西巡撫，密謀反正，事爲清廷所探悉，乃派人暗殺之。

## 過硤石山狂吟

吳祿貞

硤石山上秋風起，西征壯志何時已，道路崎嶇限戎馬，縮地神方思費子。昂頭西望玉門關，班超事業何足齒。誓將蹈遍中央亞細亞，烏拉

己酉守歲 過硤石山狂吟

山頭樹界址。回馬再上喜瑪峯，大闡釋伽牟尼之禪宗。東方大陸起蛟龍，誰看亞雨壓歐風。漫笑狂吟無足道，從來時勢英雄造。雄圖爭說鐵木真，我何人斯發長歎。

戍邊樓落成登臨有感

吳祿貞

籌邊我亦起高樓，極目星關次第收。萬里請纓歌出塞，十年磨劍笑封侯。鴻溝浪靖金甌固，雁磧風高鐵騎愁。西望白山雲氣渺，圖們江水自悠悠。

讀陸放翁集

梁啟超 ①

詩界千年靡靡風，兵魂銷盡國魂空。集中什九從軍樂，亘古男兒一放翁。辜負胸中十萬兵，百無聊賴以詩鳴。誰憐愛國千行淚，說到胡塵意不平。

○梁啓超字卓如，號任公，廣東新會人。年十七舉於鄉，與其師康有爲共倡變法之議，戊戌政變，逃亡日本，創辦新民叢報，鼓吹革命。民國以後兩任閣員；並參與蔡鐸反對袁氏稱帝之役。民國十八年卒。啓超爲近代新文體之創始者，生平著作極多，有飲冰室文集，黑子學案，清代學術概論等書。

### 題鄭延平戰捷圖

陳去病

延平郡王真男兒，忠義之氣堅不移。四海雖逢朱馘息，一木猶思危廈支。慷慨唱義意激烈，儒服焚將矢立節。一蹶金陵志未摧，再占臺澎血逾熱。胡兒一夕橫江來，百萬貔貅勢壯哉。代馬似將騰海嶠，羌笳疑欲逼蓬萊。蓬萊自古稱仙島，寧許戎夷混腥臊。鞞鼓喧天殺氣騰，旌旗蔽野人聲噪。一戰再戰胡兒逃，揮刀怒吼讎今報。宛轉哀號誰與憐，大家拍手穢茲獠。吁嗟乎虜騎當年入漢關，何人奮起振刀鐮？石頭祇見降旛出，江上誰聞殺賊還？奇哉日域田中子，毋節兒賢爭致死。

扼守雞籠氣自豪，戕鮫鮓鰓鯨徒。恭奉正朔明天皇，誓師北伐何  
堂堂！漢兒奮鬥胡兒創，捷圖到今留扶桑。噫！吁噓！捷圖到今留扶  
桑，披而觀者其毋忘！

○鄭成功，芝龍子，初名森，字大木，唐王賜姓朱，改名成功。芝龍降清，成功遁  
入海島，據南澳。桂王封爲延平郡王，招討大將軍，進攻舟山及福建諸府，軍勢  
大振，取臺灣爲根據地，奉明年號。迨其孫克塽立，始爲清所滅。

從軍樂

佚名

蕭蕭北風鳴，將軍征胡城，精兵皆上馬，壯士俱從行，氣噓野塵白，  
足踏鳥獸驚。朝發長江邊，夕宿汴梁營，男兒身皆忘，誰有思鄉情，  
不夢還家去，但嚙呼殺聲。朝發黃河邊，黃河水澄岸，願將黃河水，  
北洗胡兒空。夕至燕城下，萬山高崢嶸。何日平虜回，峯勒得勝銘？  
燕趙多豪士，相率樂從戎，將軍推以腹，士卒勉力行。漢胡不兩立，

男兒不苟生，誓殺胡虜盡，功成告祖宗。將軍窮北發，北發出長城，胡兒多牧馬，百熊俱驕益。將軍發戰令，漢兒怒目生，爭先殺胡頭，胡虜奔北窮，哀求亦無赦，身首各西東。橫尸望無際，萬里白沙平，億萬胡頭顱，堆積高山成，置酒飲其上；漢兒賀偉功。抽刀方割肉，刀帶胡血腥；脫帽縱情飲，帽染胡血紅。自由號高歌，獅虎助鳩鳴，男兒凱旋回，傾國人相迎。死回親朋賀，生歸鄉閭榮。共和成制度，國民俱是兵，萬國遣使賀，誰敢復侵凌？漢土闢日闊，漢兒雄自雄。試望萬載紀念碑，高入雲霄磨蒼穹。

五卅國恥

李湘南

不堪回首滬江頭，弱國人民實蟻虻。漢口纔聞飛慘電，九江又報恣強讎。尸橫馬路哀青島，血染沙基弔廣州。天下興亡同有責，莫將五卅付東流！



歲暮感懷詩四首

蘇炳文

烽火彌天尙未停，幾人沉醉幾人醒？拚將鐵血匡時難，偶寫冰心養性靈。雪擁孤城笳吹啞，星纏大漢劍光腥。回頭廿五年間事，輸卻韶華兩鬢青。

旌旗光蕩萬夫營，胡騎蕭蕭徹夜鳴。禦侮還期酬素願，安邊未忍負蒼生。戰雲過眼空千里，棋劫傷心又一枰。勒馬西山高處望，雄關何處是長城？

鶴警沿江費運籌，爭看砥柱在中流。飛來劍氣冲霄漢，喚起金聲徹斗牛。正氣有歌文宋瑞，鞠躬報國武鄉侯。一燈殘夜觀青史，曠代何人與古儔？

雪花如掌壓征鞍，刀斗淒涼歲又闌。兩載同仇空切齒，三邊重寄獨披肝。雲橫古戍孤烟直，風捲晴沙落日寒。家國一肩擔荷重，折衝晨夕

未遑安。

報蔡天囚學兄

何柱國

海濤澎湃撼山城，立馬雄關血淚并。幾見吳宮伏勾踐，直憑秦島壯田橫。烽烟東北河山改，政黨紛呶意氣爭。國祚於今銷落盡，祇將赤眼哭蒼生。

淞江萋血碧猶新，一將龍沙戰守頻。拒寇真拚爭一死，撫衷無可慰三軍。南都冠冕多秋病，北極雲山莽戰雲。尙感故人勞悵望，此時歌哭竟難分。

軍歌

羅家倫

獻給前線抗日將士

中華男兒血，應當洒在邊疆上，不管雪花湧，不怕朔風狂，我有血熱能抵當。砲衣退下，刺刀擦亮，衝鋒的號響，衝，衝過山海關，雪我

報蔡天囚學兄 軍歌

國恥在瀋陽！

中華男兒，義勇本無雙，爲國流血國不亡。抵抗，抵抗，沙場凝碧血，盡放寶石光，照着民族生路上，燦爛輝煌！

中華男兒血，應當灑在邊疆上，飛機我不睬，重砲我不慌，我抱正義來抵抗。槍口對好，子彈進膛，衝鋒的號響，衝，衝到鴨綠紅，雪我國恥在平壤！

中華男兒，義勇本無雙，爲國流血國不亡。抵抗，抵抗，凱旋作國士，戰死爲國殤，精忠常耀史冊上，萬丈光芒！

獻給決心收復東北的將士

男兒報國意氣豪，熱血湧如潮。橫刀躍馬夜度遼。邊土裂，北風號，苦寒難把決心搖，頑敵在數盡難逃！笑抓晴雪擦紅刀，浩氣貫雲霄！男兒報國意氣豪，熱血湧如潮，肩揜背彈遠平遼。沙滾滾，馬蕭蕭

！  
，國仇不復恨難消，滿腔悲憤撲羣獠！長白雪擠國旗高，忠義薄雲霄

獻給東北抗日民衆

中國東三省，土地最肥饒。黑土黑，高粱高，朔風初起馬羣驕。長白雪皚皚，鴨綠浪滔滔，先民經略費勤勞。誰敢來侵佔，先試我的刀。男兒生不勇殺敵，死也算不了英豪！

蒙古軍歌

獅子夜吞月，可汗朝點兵，兵符一以下，千里不留行。壯士得兵符，中夜起秣馬，秣馬望天明，長嘯大旗下。

美人送壯士，手把黃金卮。朔風粟以冽，凜凜傾城姿。美人語壯士：『此去無濡遲！生當立功名，死當隨旗鼓，無爲作降虜，令我無容儀』。壯士拊手笑：『何事多言爲！我有七寶刀，礪志與相期，悵望日

蒙古軍歌

以久，而今乃得之！』躍馬一揚鞭，去去不復辭。白馬賤赤血，少女施焉支。壯士赴戰場，還似新婚時。